

ADAMI ABBATIS PERSENIÆ

SACRI ORDINIS CISTERCIENSIS ALUMNI, NATIONE GALLI, VIRI DOCTISSIMI AC DISERTISSIMI,

MARIALE

Quo ejusdem Adami de Mariæ Deiparæ Virginis laudibus sermones aurei ac fragmenta pretiosa ad posteritatis notitiam transmittuntur.

OPUS HACTENUS INEDITUM

Ex perantiquo codice pergamenico ms., olim bibliothecæ monasterii Casamarii erutum notisque illustratum a P. Hippolyto MARRACCIO, Lucensi, e congregazione Clericorum Regularium Matris Dei.

(Rome, typis Ignatii de Lazzaris, 1652, in-12. — Edimus juxta exemplar asservatum in Bibliotheca Universitatis catholicae Lovaniensis, quod nobiscum perhumaniter communicavit D. Nævæ, ejusdem bibliothecæ custos.)

*Et rursus post tenebras
spero lucem.
Jes xvii.*

ADAMO ABBATI PERSENIÆ

VIRO DOCTISSIMO. SANCTISSIMO AC TOTI MARIANO.

CUI.

Maria Dei hominis Mater,
In fluctuatione Anchora,
In naufragio Portus,
In tribulatione Subsidium,
In dolore Consolatio,
In oppressione Subventio,
In opportunitate Auxilium.
In prosperitate Moderantia,
In expectatione Lætitia,
In labore Recreatio semper fuit.
Cujus sententia (et quidem optima)
Mariam cœli Reginam querere, Virtus;
Invenire, Salus;
Apprehendere, Gaudium;
Diligere, Laus et Honor;
Tenere, neque dimittere, summum Bonum:

QUI

A Maria mundi Domina
Vel ad punctum momentiuque discedere,
non solum, non tutum,
Sed periculoso omnipino arbitratus:
Tenerimmo prorsus affectu cordis
Morumque candidissima puritate
Ei semper inseparabiliter adhæsit:
illanque ut certain anima sua post Deum salutem,

A

Compendium vite,
Coelestis patriæ Semitam,
Spem venie unicum,
Cordis Illuminatricem,
Spiritusque Suavitatem singularem,
Ex superni luminis illustratione
Et clarissime agnovit,
ac demississime veneratus est.

HÆC

Quæ ipse olim
(inter alia magni ingeni
Ac religionis eximiae monumenta)
Aureo non solum calamo,
Sed ore, et pectore pietatis pleno,
De magnæ Dei Matris laudibus, encomiisque
Compositus,
Una cum corde, ac seipso toto,
Virginis tholo,
ut Anathema sacrum,
per ipsius gratissimas manus,
(ut acceptiora habeantur)
appendenda,
Dat, dicat, consecrat,
Mortalium infirmus
Hippolytus Marraccius.

B

EMINENTISSIMO PRINCIPI;

MARCO ANTONIO FRANCIOTTO

S. R. E. CARD. AMPLISSIMO

SAC. ORDINIS CISTERCIENSIS PROTECTORI.

Post fundatores Marianos amplissimo no nomini consecratos (nil de mea humilitate sollicitus, quia de tua humanitate securus) iterum ad te venio, princeps eminentissime, Adami abbatis Persenæ, ordinis Cisterciensis Opera Marianæ, typis hactenus intacta, et a quadringentis et amplius annis in situ ac tenebris hucusque sepulta, in clarissimo protectionis tuæ lumine collocaturus. Secundo autem venio ad te, non tantum ut primo, libens et volens, meam meæque congregationis universæ in te, tuosque debitam observantiam declaraturus; sed quia ad alium si venirem, justa possem ab omnibus reprehensione castigari, ut pote protectionem querens sine protectore. Cum enim tu solus, ex sedis apostolicæ decreto, Cisterciensis ordinis sis protector: Opus ab ordinis Cisterciensis alumno elaboratum, cui melius justiusque ad prolegendum, quam eminentie tuæ offeram? Quis rite protegit, nisi ex officio protector? Nec solum quia a Cisterciensi ordine est, sed quia etiam de Deipara Virginis laudibus pertractat, Opus hoc speciali jure debetur tibi; qui ab ortu ipso totus eidem Deipara Virginis mancipatus, miro cum pietatis sensu, aut per quotidiana pietatis exercitio, aut per assiduam Marianarum virtutum imitationem, ab ipsius laudibus nunquam cessas. In festo Nativitatæ beatissimæ Virginis, e piissimis parentibus Curtio Franciotto, ac Clara Balbania patriciis Lucensis, et avita nobilitate non minus quam clarissima virtute lucentibus, in hanc mundi lucem natus es, ut indicaretur, te, a nativitate ipsa, usque ad ultimum vita terminum, Augustissimæ cœlorum Reginæ constantissima pietate ac immutabili devotione victurum; ejusque cultum, honorem ac venerationem, in te primum, postmodum vero etiam in aliis usque ad extremam illam rerum lineam studiosissima diligentia curaturum. Nihil profecto est (quamvis multum alioquin sit), nobilissimi sanguinis tui, cum familia roburea Sixti IV et Julii II Romanorum pontificum conjunctio (Luchina enim Sixti neptis et Julii soror, Io: Francisco Franciotto matrimonio juncta), si cum præclarissimis virtutum tuarum ornamenti, ac præsertim cum ardentissimo tuo erga magnam Dei Matrem studio conseratur. Et quidem suavissimæ Dei Matris benignitatis, et benevolentiae luculentia in te exempla ac vicissim devotissimæ mentis tuæ ac obsequiosissimæ voluntatis in eamdem suavissimam Dei matrem clarissima testimonia, ad æternam posteritatis memoriam, hoc loco saltem leviter nullo pacto omitterem, nisi ad tui modestiam animi sese mea hæc epistola submittens, non quid virtutibus tuis debeatur, sed potius, quid aures tuæ pati possint, in præsentia consideraret. Gaudet porro Adam meus, et Deo meritas ac immortales gratias agit, quod ex providissima consultissimaque Deipara Virginis benignitate, ipsius Mariano Operi ille provisus sit patronus, quo, in Deipara cultu, ac ceteris etiam omnibus Christianarum virtutum ornamenti, vix ipse majorem meliorem optare potuisset. Sperat Opus suum, quod primam sub faustissimis eminentiæ tuæ auspiciis lucem vidi, omnem sub iisdem vitam victurum, atque aleam adversari nullatenus formidaturum. Nec diffidit appellandum ab omnibus jure merito porphyrogenitum, quod primo in tua purpura natum sit. Exire in lucem tandem distulit, ut tua videret tempora, tibique suo sese sistere protectori. Serius fortasse, quam par est, emerserit et tenebris; sed non sine numine tam sero emersit, ne videlicet tuæ protectionis gloria fraudaretur. Exspectavit diu, sed non male, ita optime exspectavit, dum exequendi moram protectionis tuæ felicitate compensavit. Acceptum fert ille tibi, quod tandem sepultus in tenebris, sub luce tua vitæ restitutus, in suo Operæ rursus vivat; et beneficio gratus, quamvis sit ipse solvendo, vices tamen suas Deipara etiam delegat, ut illa eminentiam tuam dignis processibus muneretur. Dignus est ipse protectione tua, non solum quia Cisterciensis ordinis est (cujus protectio, prudentissimo SS. D. N. Innocentio X. judicio tuæ curæ demandata); sed quia etiam ex illo ordine est, qui (Gregorii XI pontificis maxiwi testimonio), cum inter religiones cæteras Deipara Virginis sit singularitate devotionis ascriptus; eique unanimiter, et uno humero (ut Jacobus de Vitriaco S. R. E. cardinalis in *Historia occidentalium loquitur*), ubique devoxitissime inserviat; etiamsi ejus protector non esses, altamen, ob eximium tuum erga augustissimam cœli Reginam studium, tua non potest protectione privari. Accipe igitur, princeps eminentissime, benignitate tibi innata, hoc Adæ abbatis Persenæ Opus Marianum, quod ab interitu vindicatum vitæque restitutum, tanquam protectionis jure tibi omnino debitum, tuo patrocinio committo, et paterno affectu amplexum, ex tui officii munere, atque etiam ex ardeissimo tuo in Deiparam affectu, love et protege. Quidquid autem hic meum est (quod video quam sit exiguum, atque a tua amplitudine et meritis alienum) totum (cum mihi magis in præsentia non suppeditat); totum, inquam, eminentia tuæ demississime offero: et in mei in te devictissimi obsequio ac debite venerationis testimonium, et in aliquam, quamvis minimam, significationem illorum beneficiorum, quibus tu, ac illustrissimi fratres tui, Nicolaus et Bartholomæus Franciotii, lectissimæ pietatis ac probatissimæ virtutis viri, universam congregationem nostram arctissime tenetis obligatam. Licit enim gratias, quibus nos ex vestra humanitate dignamini, nunquam, etiamsi vellemus, referre possimus; sequentur tamen memoria compiterna, et gratus animus, magis quam hæc pagina, altissime semper impressas conservabit. Ne autem integrati omnino simus, Deum opt. max. assiduis ac calidissimis precibus interim exorabimus, ut fratres tuos totamque familiam tuam gratia ac bonis omnibus in dies augeat. Te vero supra Nestoreos annos, Deipara ac divæ tuæ suffragatione, diu in terra servet incolument, ut Romani imperii arceam, quam hucusque tuarum virtutum lumine implesti, ac in dies imples, ad totius Christiani orbis felicitatem, in altiori gradu constitutus, luce completas clariori. Romæ ex ædibus S. Marie in Campitello, die 15 Martii, anno a Virginiali partu 1652.

Eminentissimæ dominationis tuæ
infimus servus,
HIPPOLYTUS MARRACCIUS.

LECTORI.

In bibliotheca monasterii Casamarii (et Casamarium est celebris abbatia in diocesi Verniana provincie Romanæ, olim quidem Benedictinorum, sed ab anno Domini 1140 a Cisterciensibus possessa, ut in sua abbatarum Cisterciensium notitia, inquit Gaspar Longelinus) in hujus, inquam, monasterii bibliotheca exstabat perantiquis quidam codex pergamenaceus Latine m. s., pulchro quidem, sed in multis corrupto charactere exaratus, in quo una cum aliis veterum Patrum litterariis monumentis, sermones Adæ abbatis Persenæ, tanquam gemmæ, inclusi continebantur. Hic autem codex, cum ab ejusdem monasterii Patribus reverendissimo Patri D. Hilarioni Raneato ordinis Cisterciensis in Alma urbe generali præsidi, non argenti vel auri, sed solius viitutis ac bonarum litterarum estimatori, dono datum fuisset; atque ab hujus postea humanitate (est enim virtutis doctissimus, ita in amicos beneficentissimus) mihi etiam fuisset communicatus, animadvertens ego in prædictis Adæ sermonibus nonnullos esse de magna Dei matre, ac æternum virginem, hactenus in obliuione tenebris sepultos, qui si publici fierent juris, multum possent pietati prodesse, ingentemque Marianarum laudum declamatoribus fructum utilitatemque afferre; statui illos, una cum Mariani frumentis ex aliis ejusdem auctoris sermonibus collectis, sub Marialis titulo, additis notis, tanquam clarissimum vetustatis monumentum, pro communi bono, per typos publicare; existimans ratione maxime dissentaneum, diuturnioribus tenebris amplius obvolvi eas lucubrationes Marianas, quæ jugi hominum memoria, atque ipsa sunt æternitate dignissime. Spero autem non defuturos, qui ex hujus Mariani Operis gusto, ad omnium Adæ Operum publicationem efflaciter inflammantur. Quod qui præstabant, doctissimum disertissimumque Scriptorem, non quadriduo, sed a quadrageatis et amplius annis mortuum, velut ab inferis vindicatum, in vitam revocabunt. Clarissimi ordinis Cisterciensis splendor atque ipsius Ecclesie catholice ornamento optime consuluisse censebuntur, seque ipsos de litteraria republica reddent, et præsentibus et posteris fructuosissime bene merentes. Interim, amice lector, labore hoc cum incolumentate fruere, et meam hanc qualitercumque in Mariani Operis editione operam, aqui bonique consule. Vale.

ADAMI ABBATIS PERSENIÆ MARIALE.

I-11 SERMO PRIMUS.

IN ANNUNTIATIONE B. VIRGINIS.

Egredietur virga de Radice Jesse (1), et flos de radice ejus ascendet, et requiescat super eum Spiritus Domini (Isa. xi). Senescente jam sæculo, auctor sæculi ad reparandum hominem apparere dignatus est. Antiquabatur, et senescebat miser mundus, et propinquabat ad interitum. Pereundi mundo mira se novitate antiquis dierum opposuit, juxta Jeremiac vaticinium, et novum faciens super terram, ut semina circumdaret 12 virum (Jer. xxxi), et gremio uteri sui. Dum itaque per hanc novitatem nostræ vetustatis scenium dete sit, in nova nos immortalitatis suæ luce reparavit. Reparavit, inquam, misericorditer, quod creavit potenter. Huic tanto operi necessaria erat virga de radice Jesse, ex qua nasceretur fructus, qui gustatus non inferret mortem, sed resormaret ad vitam. In antidotum, ergo prioris arboris, cuius fructus mortem intulit, de virgulto Davidicæ stirpis, hanc vitam fructificans, Virga processit: Virga haec Virgo Maria est; fructus virgæ, Virginis partus. In tantam arborem crevit haec virga, ut communis salutis fructum proferens, dum mater Omnipotentis efficitur, et angelorum Regina, et sæculorum Domina prædicetur. Sinc termino dilata-

A tavit se arbor ista, et operuit montes umbra ejus, et arbusta ejus Cedros Dei (Psal. LXXXIX). Montes accipe sublimes meritæ sanctos: umbram nostræ arboris, privilegium gratiæ singularis, quod nostræ Virgini contulit obumbrans ei Altissimi virtus, et plenitudine gratiæ cumulans mentem, et partu divino gravidans ventrem. Umbra haec nil habet in se umbratile, nil imaginarium, 13 vel inane. Summa et sola ubi veritatis soliditas, et solida veritas: verus enim Unigenitus in vera Virgine, verum assumptus hominem, hoc est corpus et animam; naturam, non culpam. Veritati susceptæ novæ non defuit veritas innocentiae. Et Peccatum quippe non fecit, nec inventus est dolus in ore ejus (I Petr. ii). Dum ergo lux incorporeæ verae divinitatis B sibi veraciter corpus humanum trivit, ex unito et objecto sibi corpore in partem alteram umbram fecit. Umbra illa fides vera. Fides vera, quæ per incarnationis mysterium justificat impios, glorificat justos (Prov. xvii), et de vallibus facit montes excelsos. De umbra ista dicit sponsa in Canticô amoris: Sub umbra illius, quem desideraveram, sedi (Cant. i). O umbram necessariam illicitis ardoribus temperandis! Si confugas ad umbram illius arboris, hoc est si credas et diligas partum Virginis, et per diem sol non uret te, neque luna per no-

ctem (*Psal. cxx*). » Arbusta ejus, merita ejus, quæ A foris amputat ramos mali operis, si intus renaneat cedrorum altitudinem, hoc est Angelorum sublimitatem transcendunt (2). O arborem fructuosam, in medio paradisi plantatam, ramis expansam, radice firmatam! Ipsa quippe est, 14 quæ dicit: « In Sion firmata sum, et in Civitate sanctissimæ similiiter requievi (*Ecclesi. xxiv*) ; et illud: « Radicavi in populo honorisclato, et in parte Dei mei haereditas illius (*ibid.*). » Arbor illa scientiæ boni et mali (*Gen. ii*) gustu: uo experientiam mali consultit, et boni scientiam ex parte abstulit, et de bono miserum fecit. Hæc arbor sapientiæ fructum proferens, et palatum animæ reparat ad saporem boni, et malorum experientiam dedocet, restituens hominem amissæ beatitudini. Hoc modo crevit virga in arborem, profecit virgo in Altissimi genitricem. In horto celestis Agricolæ (*Juan. xv*) sunt arbores malæ, steriles, fructuosæ. Malæ sunt, quæ noxiæ fructus ferunt. Steriles sunt, quæ nec bonos proferunt. Fructuosæ sunt, quæ bonorum fructuum ubertate pinguescent (*Psal. LXIV*). Arboribus malis et sterilibus securis ad radicem posita est, incisura eas, nisi mutentur. Inter bonas arbores incomparabiliter optima est virga de radice Jesse, ex qua vitæ fructus processit. Summum enim bonum est fructus iste, cuius bonitate quæ non participat arbor, bona esse non potest (*Math. vii*). Participata nimis bonitas fructus hujus, et malis arboribus confert plurimum, 15 ut bonæ fiant; et steriles secundat, ut fructus ferant, et fructuosas purgat, ut fructum plus afferant. Quas hoc modo non mutat, incidit, et in ignem mittit (*ibid.*) ut ardant. Est enim iste fructus, est et securis, qua infructuosæ arbores exciduntur. Securis, inquam, est incarnatus Unigenitus, cuius quasi manubrium est humanitas, quia ferrum incidens subtilitas Deitatis. Ubi ligna silvarum plaudunt manibus, æminanti potius virginem de radice Jesse egredientem, ex qua poteritis habere exemplum, et virtutem fructificandi, quam arborem scientiæ boni et mali (*Gen. ii*), ex qua provenit vobis sterilitas, quæ vos obnoxios facit securi. Amate fructum, timete securum. In filio Virginis diligite misericordiam, metuite veritatem: nam seu veritatem incidit, et est securis, seu misericordiam, et est fructus terræ sublimis. Misericordia debetur amor, justitiae per judicium incidenti debetur timor. Sterilitatem nostram aut moveat amor, aut terreat timor. Certe timorem ipsum non infructuosum dixerim, qui, dum mala recidit, eo ipso sterilitatem evacuat, quo per ipsum manus ad bona opera consuescit, 16 vel saltem a malis pœnæ formidine dissuescit. Magna utilitas est, dum timorem necessarium exterminationem peccati, virtutis seminarium incutit arboribus infructuosis, sed hoc nonnisi ponatur ad radicem arboris (*Math. iii*), hoc est ad intentionem cordis. De intentione enim, quia de radice habet homo, ut inutilis sit vel fructuosus. Idecirco non ad rauos, sed ad radicem securis ponitur, quia frustra

malum in radice intentionis. Itaque, ut dictum est, securis ad radicem posita timorem incutit. Quid non timeant arbores infructuosæ, cum securum videant parantem sibi incisionem, et minantem combustionem? Dicit enim, qui eadem securi incidit: « Quia omnis arbor, quæ non facit bonos fructus, excidetur et in ignem mittetur (*ibid.*). » Verbum est Joannis Baptiste, qui, dum Salvatoris adventum præcurrit, et ipsum venientem ostendit, quasi securum ad radicem arborum ponit. Dum ergo de Virgine Filius Dei nasciturus prædicatur, quasi de virga securis processura promittitur.

Nota mysterium. Virgo Dei, et hominis mater virga; Deus homo virginis 17 filius est securis. B Virga cedit, ut corripiat; securis excidit, ut destruat. Virga corripit, ut corrigat; securis destruit, ut in ignem mittat. Virga uitatur in correctione parvolorum; securi in exterminatione spinarum. Virgæ correctio, est in misericordia, sicut scriptum est: « Corripiet me justus in misericordia (*Psal. xiv*.)», securis excisio in furore et ira. Virga corripiens corrigit ad virtutem, securis exterminans percutit ad consumptionem. Qui non correxerit virga in spiritu lenitatis, securum exspectet necesse est in spiritu judicii et spiritu ardoris. Qui ad matris misericordiæ exemplum se non corrigit, terribilem ejus filium in judicio sentit. Hæc est Virga, qua primo corripitur et corrigitur mundus, de qua ipse mundi Conditor per Prophetam dicit: « Visitabo in Virga iniquitates eorum (*Psal. LXXXVIII*). » Mundus quippe in virga corripitur, dum ei per exemplum, et partum Virginis, in quo sit reprehensibilis, et condemnabilis demonstratur. Sed quam misericors ista correctio fuit? Non hanc furor judicis, sed ira columbae vindictam in criminis facit. Non odi, sed pacis est talis ultio, qua flagellat filium pater, ne pereat 18; quia non reo severitas impenditur, sed ratui, nec se judicem Dominus exhibit, sed amicum. Zelus Domini exercituum facit hoc, dum in virga visitat iniquitates orbis, et tot verberibus atterrit peccata hominum (*Psal. LXXXVIII*), quot virtutibus illustrat Virginis partum. Hæc virga, qua tot ictus dorso imprudentium dedit, quot virtutibus ostensis in se mundi insipientis vitia debellavit. Et quia vitiorum meta, et virtutum origo existit, ideo recto virga virtutis appellatur, cum dicit: « Virginem virtutis tuæ emittet Dominus ex Sion (*Psal. cix*). » Non immerito virga virtutis divinæ Virgo Maria dicitur, cuius fide, vita, partu, exspirans vitiis, ad virtutem sæculum respiravit.

Hanc virginem emisit Dominus ex Sion, quia sicut dicit Isaïas: « Egressa est virga de radice Jesse, orta est virgo de stirpe David, qui sicut ipse de se in Psalmo testatur: « Constitutus est super Sion, montem sanctum ejus, prædicans præceptum ejus (*Psal. ii*). » Virga hæc flexibilis, recta, porrecta, fructifera; flexibilis per misericordiam, recta per judicium, porrecta per virginitatis excellentiam,

fructifera per Unigeniti conceptionem. Ilæc virga **A** extrudit a virga; **19** per hanc enim virgam virtutis effectum est, ut non relinqueret Dominus virgam peccatorum, hoc est virgam divinæ hæreditatis, de qua per Psalmistam dicitur: « Redemisti virgam hæreditatis tuæ (*Psal. LXXIII.*), » etc. (3) Ilæc est virga Moysi, quæ virgas magorum Ægypti legitur devorasse, quia virginei partus Veritas totius mundi hæreses retexit et interemit (4). Ipsa est virga Aaron, quæ sine succo floruit, fronduit, et nubes protulit (*Num. xvii.*), quia heata Dei mater sine viro Salvatorem concepit et peperit. O quam flexibilis, quam fortis, et quam fertilis directionis virga, mater misericordiæ, Regina virtutum, Genitrix Salvatoris! Flexibilem te facit immensa pietas: forte incorrupta potestas: fertilem divini partus secunditas. Tanta est pietas tua, quanta potestas. Tam pia es ad parcendum miseris, quam potens ad impetrandum quod postularis. Quando enim non compateris filiis miseris, mater misericordiæ? Aut, quando illis opem conferre non poteris, cum sis ipsius mater omnipotentiæ? Eadem procul dubio facilitate obtines apud Omnipotentem quocunque vis, qua facilitate nostra inuotescit miseria tue visceribus **20** pietatis. O quanta fiducia nobis per te ad Deum esse potest! Sicut non potes non sentire per compassionem passiones nostras, cum non possis odisse filios misericordissima mater: sic non potes non obtinere eis remedium, si petas, cum ad hoc, et non nisi propter hoc, ex te nasci voluerit misericordiarum omnipotentis Patris Filius. Tu enim mater exsulis, tu mater Regis. Tu mater rei, tu mater Judicis. Tu mater Dei, tu mater hominis. Per te ergo factus est rens frater judicis, per te facta est una hæreditas Regis et exsulis. Cum enim utriusque mater, utrumque habes filium, et per te efficitur frater Unigenitus adoptati. Quid igitur reo timendum est, cui in causa sua idem est frater qui et judex, et talis judex, cui proprium est misereri semper et parcere (*Orat. miss. Defunct.*), et qui misericordiam superexaltet iudicio? (*Jac. ii.*) Timere ne debeat utpereat, cui misericordissima mater clementissimi fratris, et judicis se piissimam matrem exhibet, et potentissimam advocatam? Tu misericordiæ mater, non rogabis pro filio Filium, pro adoptato Unigenitum, pro servo Dominum, pro reo Judicem, pro creatura Creatorem, **21** pro redemptio Redemptorem? Rogabis plane, quia qui Filium tuum inter Deum et homines posuit Mediætatem, te quoque inter reum et judicem posuit mediaticem. Ad hoc nimirum electa es, et assumpta in matrem Omnipotentis, ut in partu tuo inveniat venie locum iniquitas peccatoris. Ad hoc te in celum aromatum suorum erexit medicus (5); ut apud te, et per te recipiat sanitatem ægrotus. Si ergo causam tue tantæ sublimitatis attendas, te totam debes miseris, ut eis reportes antidotum reconciliationis; nec unquam tu poteris faciem judicis inventare difficultem sicut te reus nunquam inuenit

A inexorabilem. Abundas enim et superabundas pietatis visceribus, quia non solum implevit te, sed supervenit in te ad cumulationis gratiæ plenitudinem, Spiritus sanctus (*Luc. i.*). Ne igitur avertant faciem tuam a nobis (*Psal. L.*) abundantia in dies criminis nostra et iniquitas circa propositum super iniquitate apposita. Te medicinam nostram super filii tui verbo convenimus, quod dicit: « Non egent qui sani sunt medico, sed qui male habent (*Luc. v.*). » Certe si non sanis, sed ægrotantibus necessarius est medicus, eadem ratione illis **22** major medici impendenda est cura in quibus abundant vulnera graviora. Quia ergo, Domina, omnes nos peccatorum nostrorum vulneribus laborare cognovisti, pro omnibus interpellâ medicum quem omnibus perdisti. Sed illis, misericors, majorem impende sollicitudinem in quibus infirmitatem perspicis gravorem. Quid enim omnibus magnificientæ opem neges, quæ sicut non pateris pietatis, ita nec pateris angustias potestatis? Infinita tibi pietas, infinita potestas. Thesauri tue gloriæ non solum non exhausti, sed nec imminuere potest tue magnificientæ effusio largitatis. Tribue quod vis, nihil minus habes. Ditat potes indigentiam singulorum, sed indelictientes copiæ perseverant. Ille nimirum tua plenitudo est, qui sicut augmentum non accipit, cum sit immensus; nec detruitum, cum sit simplex: ita nec finem, cum sit æternus. Ergo jam repatriare exsules, quia vult et potest iudicij sententiam dispensare misericordiæ mater, per quam nos voluit Deus iudicij in filios adoptare. Tantum odite quæ mundi sunt, et injustitiæ opus abjecite, quoniam mater **23** nostra, etsi misericordiæ mater est, nihilominus est et justitiæ parens. Virga quippe nostræ correctionis est flexibilis per misericordiam, et recta per iudicij veritatem. In correctione virga reductionis, in directione (6) baculus sustentationis: per virgam emendatur reus, ne percat; per baculum sustentatur justus, ne cadas. Uterque indiget matre Domini, et reus et justus. Ipsa enim, et in virga misericordiæ corrigit deviós, et in baculo justitiae sue sustentat correctos. Ipsa est in virga flexibilis, et in baculo fortis. Virgæ percussio servum emendat in filium, baculi sustentatio filium perducit ad regnum. Unde, qui hujusmodi est, exclamat, et dicit, gratias agens Deo: « Virga tua, et baculus tuus ipsa me consolata sum (*Psal. xxxii.*). » Mater enim Domini utrumque habet a Deo, ut et per misericordiam virga sit, reum corrigens, et reducens ad gratiam, et per rectitudinem sit baculus justum deducens, et perducens ad patriam. Ilæc virga, et hoc baculo usus est Pastor bonus, dum quereret ovem, quæ erraverat, inventamque suis imponeret humeris, et reportaret ad gregem (*Luc. xv.*). Tanta est in matre Domini **24** fortitudo, ut in ea et per eam vere ad infirmitatem humanæ carnis se fortitudo omnipotentis humiliaverit. Eo enim ipso Virgo Maria fortis efficitur, quo in utero ejus fortis et potens in prælio Dominus (*Psal. xxiii.*)

per carnis susceptionem fragilis infirmatur. Fortis nimirum et valida est ut mors dilectio Virginis (Cont. viii) quæ ad infirma toleranda invitare potuit, et meruit fortitudinem Omnipotentis. O Regiam angelorum, cœlorum Dominam, fide singulariter fortem, meritis privilegiata, potestate incomparabilem, gloria singularem! Ipse quippe virga ferrea est, qua inundus regitur, mundi princeps prostratur, contractu infernus aperitur. Haec virga fortis fortem armatum, in pace atrium possidentem, fortior illo supervenientis rex virtutum percussit et attrivit (Luc. xi.). Denique vincula, quibus alligatus est, fortis iste in sacrario virginalis uteri texuit, et operatus est ipse sanctus. Vis nosse quæ sunt vincula illa? Suscepta a Verbo corporis membra sine culpa. In his membris dum defecetus nostros indeficiens Verbi fortitudo sustinuit, sic deliciendo male confidentis hostis fortitudinem superavit. **25** O si tam potens fuit Verbum in defectibus! quid, si virtutes exereret et exerceret deitatis?

Denique, quid fortitudinis virga virtutis nostræ non habuit, cui regem virtutum ipsa Dei fortitudo, id est Gabriel angelus nuntiavit? Gabriel quippe fortitudo Dei appellatur, qui Virginem salutasse, et nostra salutis nuntium dicitur attulisse. « Ave, inquit, gratia plena, Dominus tecum, benedicta tu in mulieribus (Luc. i.). » In his verbis angeli, Verbum Deus humiliatur, virginalis secundatur integritas, hodiernæ diei solemnitas consecratur. In hoc quod dicit « gratia plena, » attende singulare Virginis C ineritum. In hoc quod dicit, « Dominus tecum, » nota virginalem conceptum. Dum « benedicta in mulieribus » dicitur, imperiosæ Virginis honorem designat æternum. Quam fortis est sermo nuntii! quam omnipotens sermo, quem nuntiat! quam fortis Mariæ fides, quæ in momento, dum verbum angelii credula recipit, Verbum Deum beata concipit, et mater Dei efficitur, cuius ancillam se vix nominare præsumit. O mira Mariæ, et sœculis omnibus prædicanda humilitas! Præordinata ab æterno in matrem **26** summi Regis, dum verbum tantæ sublimitatis effectum ex angelica salutatione percipit, non se extollit in gloriam, sed corde et voce se deprimit in ancillam. Loquitur angelus, salutat Virginem ex parte illius qui mandat salutem Jacob (Psal. Lxiii). Virgo audit, silet et credit. Silet reverenter, audit prudenter, credit fideliciter. Dum quiescerent et silerent in Virgine omnia, caro purissima ab omni contradictione concupiscentiæ, meus purgatissima ab omni perturbatione malitiæ, dum penes Virginem agitur tale silentium, non silet Sermo omnipotens, sed a regalibus sedibus veniens (Sap. xviii), invenit paratam sibi in Virgine mansionem. Verbo enim Dei idonea paratur mansio, ubi silentium custoditur. Ceterum « vir linguosus non dirigetur in terra (Psal. cxxxviii). » Ubi enim tumultuat in carne concupiscentia, in mente vociferatur malitia, in spiritu perstrepit et garrit superbia; in his tumultibus et clamoribus non lo-

A quitur Verbum Deus, cum loqui sit per aspiracionem sentiri. Et tria quidem silentia optime custodiebantur in Virgine; sed de tribus medium magis approbat Sermo omnipotens. **27** Primum faciebat virginitas, omnis concupiscentiae tumultum a carne coercens; ultimum faciebat incomparabilis charitas, mentem ab omni perturbatione tranquillans; medium autem in spiritu mansuetum servabat humilitas, et excellentiæ virginitatis consulens, et privilegio charitatis providens, ne de magnitudine virtutum aliquod superbæ periculum nasceretur. Dum igitur hoc medium humilitatis silentium omnia interiora et exteriora intermeratæ Virginis custodirent, mansuetique spiritus singularis humilitas et foris soveret florem castitatis B inimicarcescibilem, et intus nutritum ignem charitatis inextinguibilem venit, ut dictum est, omnipotens Sermo, et dedit voci Virginis vocem virtutis (Psal. Lxvi), ut angelo nuntianti sublimia responderet humilia, dicens: « Ecce ancilla Domini, fiat mihi secundum verbum tuum (Luc. 1). » Omnipotens quidem Deus licet in matre diligat castitatem, et castitati longe præferat charitatem, nescio quo tamen pacto humilitatem præfert omnibus, et ad illam se familiarius Dominus majestatis inclinat. Humilitas enim eo capax est plenitudinis gratiæ, quo rigidum omne tumulumque **28** fastidiens, humilem semper plantiæ inferiorum affectat. Aqua quippe semper ad inferiora dilabitur, humorque de summitatibus montium effluens, in planis consuevit plenius abundare. Scriptum quippe est: « Deus superbis resistit, humilibus autem dat gratiam (Jac. iv; II Petr. v). » Quod si humilibus non negatur gratia, quid gratias ante alios habere potuit, qua, cum suprema quæque incomparabili dignitate excelleret humilia quæque incomparabili humilitate superavit?

C Ece quod ad vallem humilitatis virginæ tota se divinitatis unda contulit. Frumenti ferax eadem vallis fuit; scriptum est enim, quia « valle abundabunt frumento (Psal. Lxiv). » In hac valle taliter irrigata exortum est frumentum illud, quod de seipso in Evangelio ait: « Nisi granum frumenti radens in terram mortuum fuerit, ipsum solum maneat (Joan. xii). » Rorantibus quippe cœlis desuper, nubibusque justum pluentibus, ad abundantiam rorâ hujus se vallis ista aperuit et germinavit Salvatorem (Isa. xlvi). Ex hac pluvia coelestis infusione plenaria in profundum humilitatis concavum descendente factus est in Virgine nostra fons aquæ salientis in vitam æternam (Joan. iv). **29** Væ arbori, quæ ad humorem istum non mittit radices suas! Sterilitate damnabitur, et siccabitur procul dubio arbor illa, cum venerit æstus. Ex hoc fonte irrigantur horti aromatum, id est corda sanctorum, aromatibus virtutem redolentia. Secus decursus aquarum istarum plantavit vineam justorum Deus justitiae meæ (Psal. iv). Vitis enim abundans, vitis quæ fructificat suavitatem odoris (Ecccl. xxiv), est secunda Mariæ virginitas, ex qua processit ille magna botrus Cypri, de-

vineis Engaddi (*Cant.* i), qui in torculari crucis pressus, et expressus totius vinum gratiae abundans propinavit. Sed jam « vinea nostra floruit (*Cant.* ii), » quia virga de radice Jesse Salvatorem concepit. Fronduit, quando obumbrans ei Altissimi virtus, et angelis, et hominibus mysterium occultavit. Fructificavit, quando quem sine contagione conceperat, sine dolore partu edidit. Conceptum itaque Virginis virgæ florem dicimus, velamenta mysterii frondes, partum nucem de virga prolatam. Nux optime convenit sacramento. Denique nascentis unam in tribus substanciali personam figurat. Corium nucis refer ad carnem, testam ad animam nucleum, **30** ad interiorem internæ divinitatis dulcedinem. Corium habet amaritudinem, caro Salvatoris sustinuit passionem. Testa fortior animæ mundum salvantis designat virtutem. Oleum quod de nucleo elicetur, quia reficit, luet et medetur, divinitati congruit, quando sicutientes justitiam satiat, cœcos illuminat, peccatorum vulnera sanat. Ad hoc egressa est Virga de radice Jesse, ut sic floraret, ut tales fructus nobis proferret. Vis videre Virginem vernantem in floribus? Si hortum conclusum castæ considerationis oculo perlustraveris, prospicies, et senties in eo innarcescibile virginitati-jalbescere lily in violabilem humilitatis fragrare violam, rosam rubescere inextinguibilis charitatis. *Ubi Virgo beata in virtutibus floruit*, fronduit in meritis operum, in pariendo Sanctum sanctorum fructum fecit. Sed dicit mihi aliis: Quid tu de fructu virgæ loqueris, cum de flore tantum propheta locutus sit? Certe quia flos ipse etiam fructus est; « Flores, inquit, mei fructus honoris et honestatis (*Ecli.* xxiv). » Hæc verba Sapientæ sunt, sed etiam personæ matris Domini convenienter aptantur. Placet igitur tibi, **31** ut Virginis filius, Deus, et homo: secundum hominem flos, secundum quod Deus est, fructus appelletur? Nam fructus a fruendo dicitur. Fructus ergo est æterna divinitas, qua sancti angeli et sanctorum animæ perpetua jucunditate fruuntur. Nec incongrue divinitas fructus dicitur, quia fruentes se beatos facit. Non enim proprii frui dicimur, nisi rebus quæ nos beatos efficiunt. Fru est amore inhærere alicui rei propter se ipsam tantum. Verum cum homo sit Deus, et Deus homo, possumus sine distinctione aliqua Redemptorem nostrum, et florem appellare, et fructum. Convenientius tamen assumptæ carnis fragilitatem floris teneritudo designat. Flos enim habet suavitatem odoris, fructus soliditatem saporis. Et licet caro assumpta sit in Deum, et ita flos in fructu, pro statu tamen mortalis adhuc corporis, teneræque statis, carnis substantia appellatur nomine floris.

Est etiam fructus secundum talen statum vera Christi caro; sed hoc verius et perfectius dici potuit, cum per passionem ad impassibilitatem et immortalitatem de patiendi et moriendi necessitate transit; cum per temporalem **32** mortem suam a morte perpetua hominem liberavit. Verum quo-

Aniam fructus saporem gustare idonei nondum sumus, interim, quod minus est, et satis pro tempore, quantum juvat gratia, olfactum fidei ad floris hujus fragrantiam applicemus. Consideremus fructum virgæ, secundum quod florem eum dicit propheta magis quam fructum, cum tamen indubitate in ipso flore nostræ redemptionis fructum speremus. Nam, juxta paternæ voluntatis dispositum, sicut pro hominibus dignatus est homo fieri, sic etiam voluit pro hominibus homo mori. Alioquin nil nobis nasci profuit, nisi redimi pro fuisset (*Off. in Sab. Sanct.*). Flos iste habet in aspectu pulchritudinem, in odore suavitatem, in tactu lenitatem, in substantia tenetudinem, et in carnis specie fructus. Quam pulcher est flos iste in ortu suo, quam nitidus in candore! Pulchritudinem ejus tibi insinuat Propheta, cum eum speciosum præ filiis hominum dicit (*Psalm. XLIV*). Pulchritudinem istam non in uatore carnis, sed in innocentia vitæ, et splendore virtutis intellige. In tantum pulcher est flos iste, ut in nullo eum peccati commaculet turpitudo. Tanta **33** est odoris fragrantia de isto flore spirantis, ut ad ipsam respiret oriens, et accurrant gentilitatis primitiae in tribus Magis (*Matth. ii*). Attulerunt quidem secum aromata, sed odorem eorum superabat novi floris fragrantia. Odor iste fetorem criminum fugat, et ubique fidei et virtutis fragrantiam spargit. Quid est quod flos iste tactu est lenis, nisiquod ortu suo mundum innovans, Christus ubique est mansuetus et humilius? Attamen flos iste teneritudinem habet in substantia, quia homo Christus antequam pateretur, nostris defectibus subiacens, fragilis inventus est in carne humana. Et in his omnibus flos spondebat fructum, quem dedit in tempore suo (*Psalm. i*), quando scilicet mortuus est propter delicta nostra, a morte liberans; et resurrexit propter justificationem nostram (*Rom. iv*), quid sperare debeamus ostendens.

Berum, quoniam hunc Florem fecit tenerum passibilis naturæ fragilitas, ideo alteri et confriari potuit infidelium manibus Judæorum. Per hoc enim quod natura in eo passibilis fuit, occidi potuit a Judæis. Attritus tamen ista floris odorem non restrinxit, sed auxit; non minuit, sed cumulavit. **34** Tantum spirat odoris flos iste, dum alteritur, et exspirat, ut de odore ejus mortui respirent ad vitam. Tantum, inquam, spirat odoris, ut inter manus Judæorum exspirans, inspirat latroni confessionem (*Luc. xxiii*), fidem centurioni et multa sanctorum corpora, quæ dormierant, ad vitam faciat respirare (*Matth. xxvii*). Non tibi videtur hujus odoris mens perceperisse latronis, cum socium incropans, cum criminum suorum fetorem redarguens, diceret: « Nos quidem digna factis recipimus, hic autem nil mali fecit? (*Luc. xxiii*.) Jam totis converse mentis naribus conculeati floris fragrantiam hauriens, « memento mei, inquit, Domine, dum veneris in regnum tuum (*ibid.*)». Ac si diceret: mira quidem, Domine, fragrantia, quam

In passione tua sentio, sed magis me delectat sa-
tietas æterni saporis quam perestare potes in regno.
O florem odoriferum, cuius fragrantia suscitat mor-
tuos, cuius amoenitas angelos pascit! Ubique fra-
grans, ubique pulcher: Pulcher in virga, ex qua
nascitur; pulcher in horto concluso, ex quo pro-
ducitur; pulcher in horto, ubi traditur; pulcher in
horto, ubi reconditur; pulcher in arbore crucis,
ubi conteritur; pulcher **35** in horto paradisi, ubi
a sanctis angelis et æterna fragrantia et refectione
perpetua degustatur. Vides quam recte flos dicitur,
qui pene nosquam nisi in horto invenitur? Ex
fragantia hujus floris reus respirat ad veniam,
peccator ad indulgentiam, martyr confortatur ad
victoriam, dirigitur peregrinus ad patriam. Quando
Florem istum Virga nostra producit, ver nostrum
incipit, hiems pertransit, imber abit, dum insolentia
criminum, et senium vetustatis tempus misericordiae
redivivum detergit. In hac itaque solem-
nitate dum flores apparent in terra nostra, annus
benignitatis et misericordiae incipit, cui initium
præparat vernum tempus, hoc est tempus florum.
Dies salutis intellige, quando Virgo virginum de
radice Jesse producit florem virtutum. Unde cum
aperiatur terra, et germinet Salvatorem, primum
mensem anni mundum renovantis ad gratiam,
quendam Apriliem possumus appellare. Aprilis enim
(quia Aprilis dicitur, quod ad producenda rerum
germina matris terræ gremium tali in tempore
aperitur) huic mysterio congruit, quod haec solem-
nitas tempore veris, et octavo **36** Kalend. Aprilis
celebratur. Hac enim die, et hoc in tempore, ad
pluviam angelicæ salutationis se humiliatis virgi-
neæ sinus aperuit, et de Spiritu sancto Virgo con-
cipiens, tanquam virga floruit, cum interveniente
ope et opere sancti Spiritus, de mundissima carne
sua carnem creando partui ministravit. Hic flos de
virga ascendit, cum Dei Filius de conceptu ad par-
tum venit. Flos iste ascendit, cum sapientia, ætate
et gratia apud Deum et homines Salvator profecit,
et magis ac magis hominibus, quod Deus esset,
ianuit.

Nec tamen sapientia vel gratia profecit in se,
qui perfectus erat; sed profecisse dicitur in homi-
nibus, qui de ejus perfectione proficere potuerunt. D
Qui illud quod hunc florem Judæus crudelis eadem
die attrivit, qua eum virga pietatis produxit?
Christus enim creditur eadem die a Judæis occisus,
qua die est a Virgine matre conceptus, Octavo sci-
licet Kalendas Aprilis. Hinc est quod lex Moysi
prophetizans, Judæum prohibet dicens: « Non co-
ques hædum in lacte matris suæ (Exod. xxiii). »
Ab hora conceptionis perhibetur mulier lac habere
37 in mammis. Hædus, qui pro peccato offer-
tur, Christum designat, qui pro mundi criminis
immolatur. Sed Judæus hædum in lacte matris
exxit, cum in die conceptionis suæ Christo adhibuit
ignem passionis. Sed nec illud tacendum est quod
dies iste agitur mense Martio, tempore scilicet quo

A solent reges ad bella procedere. Martius enim
mensis a Marte, hoc est a bello nomen habet. Recte
igitur mensem Martium, hoc est, tempus belli ista
dies insignit, quo videlicet Dominus exercitum,
tanquam bellator fortis, ad debellandum mundi
principem per Virginem venit. Hinc est quod ad
debellanda mala nostra veniens, virga utitur et
securi: Virga, ut magister; securi, ut agricola.
Quid igitur nobis restat, nisi cor rectius vivere,
pro quibus constat Deum cuncta fecisse? Nam virga
est Virginæ virtutis magisterium, per quod nos
corrigit; securis est terribile Dei judicium, quo
incorrectos excidit. Attendamus itaque virginem, et
mutemur ut imitemur. Attendamus securim, et
terreamur ut mutemur. Pensemus quia miseri-
cordia virginem facit flexibilem, veritas rectam. In
B ea enim misericordia, et veritas obviaverunt
sibi. Discamus hoc exemplo esse animo misericordes,
et verbo veraces. Planam scilicet, hoc est sine
modo culpa virginem facit esse justitiam, hoc est, hu-
militas. Justitia quippe humilitas dicitur, sicut
Dominus veniens ad baptismum Joannis, cum prohiberet
Joannes, testatus est, dicens: « Sine modo,
sic enim oportet nos implere omnem justitiam
(Matth. iii), » id est omnem humilitatem. Sed cu-
jus generis arbor est virga ista? Utique oliva est:
Oliva enim est signum pacis. Pax vera sine osculo
adesse non solet. Verum in hac Virga et justitia et
pax osculatæ sunt (Psal. lxxxiv). » Sola enim justi-
C tia humilitatis veræ pacis osculum recipit, quod
nullatenus superbæ tumor admittit. Simus ergo,
et hoc exemplo humiles spiritu, ut babere possimus
pacem, et ad Deum et ad fratres. Humilitas enim
vera, dum se singulis gaudenter subjicit, eo pacis
bono carere non potest, quo nemini præponere so-
contendit. Nam et persecutionem pati propter justi-
tiam, humilitatem pace non privat, quin potius
ipsa humilitas in tribulatione semper exsultat. Si
de virga virtutis hos flores decerpimus, **39** ti-
meanus perdere: si nondum decerpimus, timeamus
perire. Verumtamen per terrorem securis possu-
imus respirare aliquatenus ad odorem floris, hoc est
ad spem recuperandæ virtutis. Odor floris perducit ad
fructum, quia spes invitat ad regnum. Virga et
securis operantur in nobis timorem; odor floris et
gustus saporis accendunt amorem. Vitam nostram
corrigunt timor et amor. Timor resecat spinas vi-
tiorum; amor inserit plantationes virtutum. Timor
te angustat, vel quia peccasti vel ne pecces; amor
te dilatat, ut spes et exsultes. Quo corrigit virga
coelestis magisterii, quos sollicitat timor divini
judicii, flos interim recreat per odorem, et ducit
postmodum ad fructus æterni saporem. Salvator
quippe noster in præsenti vita florem se odoriferum
electis exhibet, quibus bona æterna speranda
promittit. Sed cum ad promissa pervenerint, fru-
ctus satians in æternum erit.

Verum quia sine Spiritu sancti gratia nec a

malis recedere, nec in bonis proficere omnino possumus, ad florem, qui de Virga ascendit, et olfactum cordis levemus, et visum. Nam odor floris **40** hujus, et fetorem fugat carnalis concupiscentiae, et opinionem reparat famæ. Pulchritudo autem floris, et amoenitas, vetustatem expellit deformis conscientiae. Odor floris est *Spiritus Domini*, qui in Christo plenissime requiescit. Quomodo enim non habeat in eo requiem bonitas *Spiritus sancti*, in quo est prorsus contradicatio nulla peccati? Odor iste est virtus illa de qua scriptum est: « Quia virtus exhibat de illo, et sanabat omnes (*Luc. vi.*). » Odorem istum flos idem campi, et lilium convallium spirabat, et offerebat naribus *Judæorum*, cum in synagoga eorum assumpto codice in auribus eorum legeret illud *Isaiae* propheta: « *Spiritus Domini* super me (*Isa. LXI; Luc. iv.*). » Et quia odore serum eum faceret iste seculus adjunxit: « Eo quod unxerit me (*ibid.*). » Et quia ad odorem istum mortui isti respirare deberent, addidit: « Evangelizare pauperibus misit me, » etc., quæ sequuntur (*ibid.*). Hinc est quod finita lectione dicebat eis, quia « hodie impleta est prophetia hæc in auribus vestris (*ibid.*). » *Spiritus* quidem iste in Virginem supervenit, et ei ad Dominicas (*Luc. iv.*) incarnationis mysterium obumbravit. Sed longe aliter flos de Virga ascendens illum **41** *Spiritum* habuit, quia super filium Virginis *Spiritus* sanctus plenissime requievit: et in aliis sanctis spiritus Domini habitat, utpote sine quo sancti esse non possunt, sed non ita excellenter, non ita veraciter, quippe qui nec unum sunt cum eo per unitatem substantiam, nec omnino sunt sine macula culpæ. Quis enim gloriabitur se castum habere cor, cum Joannes apostolus dicat: « Si dixerimus quia peccatum non habemus, nos ipsos seducimus, et veritas in nobis non est (*II Joan. 1.*). » At unigenitus Dei Filius, et secundum quod Deus est, eadem est cum Patre, et Spiritu sancto natura, quanvis alia sit persona, et secundum quod homo est, accepit euudem *Spiritum* sine mensura (*Joan. III*): ubique ad Virginis matris exemplum se corrigit, qui districti judicij Dei securum pertiniescit. Illic per laboriosam timoris sollicitudinem ad amoris requiem tendit. Sed interim affectatam requiem non apprehendit, nisi ad odorem floris redireat, qui de Virga ascendit, et in quo *Spiritus Domini* ad omnem plenitudinem requiescit. Fides enim, et spes, et dilectio Dominicæ incarnationis interim nostrum sabbatum **42** operantur in requie conscientiae, et de hoc sabbato cordis perduruunt ad sabbatum quietis æternæ, ad quam nos perduca: Iulius Virginis, sponsus Ecclesiæ, Christus Dominus noster.

43 SERMO II.

DE PARTU B. VIRGINIS.

Ecce venit Rex (*Math. XXI*), occurramus obviam Salvatori nostro. De adventu Sponsi tanto sponsa exultat uberiorius, quanto ei de ipso certius constat. Non enim demonstraret eminus venientem, nisi

A videlicet praesentem. Nisi de adventantis praesentia certa consolatione gauderet, nullatenus ad suæ participationem letitiae invitaret alios. Unde laetabunda, et laudans invitatione laudis praeconium intonat, dicens: « Ecce venit Rex, » etc., acsi dicat, Ecclesia sponsa regis æterni. Divini non ignara consilii, a suæ exspectationis desiderio non fraudata: Ecce « venit desideratus cunctis gentibus (*Agge. II*): » Ecce venit omnium salus. Jam non erit timor in filiis nostris, quoniam inter metas nostræ sortis, communis video **44** praesentiam Salvatoris. Ecce venit, qui præfiguratus in patriarchis, promissus a prophetis, jam exhibetur ab angelis, « Quod nasceretur ex te Sanctum, » ait angelus Mariæ, « vocabitur Filius Dei (*Luc. 1.*). » Ecce vox demonstrantis B est, et admirantis pariter et latitanis. Quem demonstrat admirabilem, admiratur demonstrabilem, ac per hoc sentit magis amabilem esse causam demonstrationis, probans et experiens solius esse amoris. Ecce venit, inquit, quem semper optavi, quem votis omnibus exquisivi, cuius per internuntios promissa toties et salutationes accepi. Ecce venit per seipsum, ut me osculetur osculo oris sui. Unde venit, et quo vadit? Qualis venit, et quo transit? Quomodo venit, et quando venit? Quousque descendit, et quare venit? Venire est de loco ad locum transire. Venire est locum in quo quis stabat, deserere, et accedere ad alium in quo incipiat esse. Quomodo ergo venire dicitur, qui non mutatur? « Ego sum, inquit, Deus, et non mutor (*Malac. III*). » Quomodo transire de loco ad locum dicitur, qui ubique totus sive indubitate esse creditur? Qui cœlum, et terram implere incircumscripta **45** essentia præsentissimæ majestatis asseritur? Et tamen venit, cum per interne aspirationis gratiam humanis mentibus innotescit. Venit, cum se per auxilium non deesse ostendit. Venit, cum se visibilem per substantiam carnis exponit. Unde autem veniat, ipse loquitur dicens: « Ego ex Deo processi, et veni (*Joan. VIII*). » Venit ergo Deus ex Deo, ex alto oriens, ex corde Patris Verbum bonum, a regalibus sedibus Sermo omnipotens, e cœlo Dominus, ex Sole splendor, ex omnipotencia virtus, ex sinu Patris Filius unicus, sicut ipsi Filio Pater in Psalmo loquitur, dicens: « Ex utero ante Luciferum genui te (*Psal. CIX*). » Venit ergo, venit, cum de Patre nascitur, et procedit. Venit, cum haec eamdem ineffabilem generationem dignanter habet innotescens, corda hominum ad suæ dulcedinis experientiam trahit. Venit, quando per exhibitionem benignitatis, et humanitatis assumptionem, nos in omni charitate præveniens, docet quantum diligat, et quantum dilig velit. Venit autem de longinquo, non quia non sit omni creaturæ præsentissimus, sed quia est majestate summus, invisibilitate occultissimus, subtilitate **46** simplicissimus, veritate incorruptissimus, æquitate justissimus, ab omni iniuitate alienissimus. Itaque de longinquo venit, non quia præsentissimus longe

sit, sed longe est ab eo corruptio, quæ inter crea- torem et creaturam distantiam facit.

Sed qui sic venit, et inde venit, quo vadit? Scriptura dicit, quia « facies ejus erat euntis in Jerusalem (*Luc. ix.*), » et ideo a Samaritanis non est receptus. Ipse autem dicit: « Non sum missus nisi ad oves, quæ perierunt, dominus Israel (*Matth. xv.*). » Ecce pastor vadit ad oves, querere scilicet, et reducere, quæ perierant. Jerusalem libenter veniens divertit, quia ad eum studiose pax vera se colligit, quem intendere, et aspirare ad visionem pacis agnoscit. Jerusalem quippe *pacis visio* interpretatur. Visio pacis est cognitio, approbatio, contemplatio Trinitatis. Est autem in cognitione fides, in approbatione electio, in contemplatione experientia. Pax non incongrue Trinitas dicitur, quia hoc nomen pax constat ex tribus litteris, sicut divinitas est in tribus personis. Et hujus quidem nominis prima littera Patrem notat; quæ sequitur, Filium, qui in Apocalypsi loquitur: « Ego sum alpha, et omega, **47** principium et finis (*Apoc. i.*) : » et in Evangelio: « Ego principium, qui et loquor vobis (*Joan. viii.*). » Alpha enim *principium* interpretatur. X duplex consonans significat Spiritum sanctum, qui est connexio et consonantia anborum. Vel duplex consonans ea ratione dicitur, quia in electorum cordibus dilectionem geminam operatur, per quam Dei et proximi concordia custoditur. Vel certe ideo duplex consonans dicitur, quia, dum sui roris intima aspersione animum tangit, et ungit, et mortificatione necessaria delectationes carnis extinguit, suavis harmonia consonantiam ex psalterio, et cithara facit: psalterium quippe jucundum cum cithara (*Psal. lxxx.*). Per hoc etiam Spiritus sanctus unumque electorum Jerusalem, id est visionem pacis efficit, dum sotiris contradictionibus, et repugnantibus carnis et spiritus, ipsum sempiternam et æternæ pacis amatorem et sectatorem ostendit. Hæc enim omnia operatur unus et idem Spiritus pacis et dilectionis. Quod si Jerusalem, *pacis*, id est Dei *visio* dicitur, quid aliud dici debet dominus Israel, nisi electorum Ecclesia, a qua, et in qua Deus videtur? Israel quippe *videns Deum* interpretatur. **48** Quæ sunt itaque oves, quæ perierunt dominus Israel, nisi aliqui ad vitam prædestinati, et tamen, Dei exigente justitia, peccatorum tenebris obvolti? Sed quare dicuntur oves, cum per injustitiam deseruerunt innocentiam, et ideo de domo Israel periisse dicantur? Sed tamen sunt oves ratione electionis, merito prædestinationis, licet interim periisse videantur fodiitate noxiis operis; sunt enim tales, qui, etsi simplicitatem innocentiae deseruerunt, humilitatem tamen penitentiae non refugiunt, et recolentes bona, quæ intus habuerunt, foris gementes dicunt: « Veni, Domine, et noli tardare, relaxa facinora plebis tuae Israel (*Offic. Ecol.*). » Ecce unde venit, et ad quos venit. Sed qualis venit? Quis hoc explicare sufficiat? Certe venit infirmus, et omnipo-

A lens, parvus et immensus, temporalis et æternus, localis et incircumspectus, passibilis et incomparabilis, homo et Deus, infans et Verbum; pauper et dives, sapiens et quæ stulta sunt mundi eligens, innocens et in similitudine carnis peccauit apparens. Denique venit candidus, et rubicundus, qualem eum sponsa ejus describit: Candidus, quia **49** « candor lucis æternæ (*Sap. vii.*), » rubicundus, quia sua cruentatus passione; candidus peccati immunitate; rubicundus flammans charitate; candidus splendens virtutum pulchritudine, rubicundus ardens simulatione. Secundum et similitudinem carnis peccati: » Venit, et non habens speciem neque deorem (*Isa. lxxii.*); » secundum immunitatem peccati: Venit « speciosus forma præ filiis hominum (*Psal. xliv.*); » sicut ei voce Patris per Psalmum dicitur: « Specie tua, et pulchritudine tua, intende, prospere procede et regna (*ibid.*). » Jam qua via venerit videamus (7). Ejus via Virgo Maria fuit. Per mentem, et uterum Virginis complevit suæ itineraria æternitatis. Ibi et misericordia et veritas obviaverunt sibi (*Psal. lxxxiv.*), et quæ sunt et universæ vite Domini (*Psal. xxiv.*). Universæ quippe vite Domini et misericordia et veritas (*ibid.*). Apud etiam Virginem et justitia et pax osculatae sunt (*Psal. lxxxiv.*), et quæ regem justitiae et auctorem pacis ad negotium humanæ salutis adducunt. Haec dicuntur itineraria æternitatis, quia salus nostra nobis venit ex eis, et æternitas invenitur in singulis. De misericordia Domini dicitur: « Misericordia Domini ab æterno (*Psal. cii.*); » de veritate: « Et veritas Domini in æternum **50** manet (*Psal. cxvi.*); justitia autem ejus manet in seculum saeculi (*Psal. cxii.*); pax ejus exsuperat omnem sensum (*Philipp. iv.*), et pacis ejus non erit finis (*Luc. i.*). Haec sunt vite Domini rectæ laetificantes corda (*Psal. xviii.*), et per has vias rectas justum deduxit Dominus, et adduxit usque ad uterum Virginis, unde inchoaret opus nostræ liberationis, ubi, ut dictum est, Virgo Maria, et quedam via vita est, per quam ad nos Rex virtutum venit; et nihilominus nobis via est, quæ nos ad ipsum reducit (8). Ipsa est misericordie Mater; ipsa est de qua veritas oritur (9); ipsa est Regina justitiae; ipsa nostræ consummatio pacis. Et misericordia quidem in affectibus et visceribus Virginis opportunissimam sibi mansionem tanquam in matris sinu constituens, et miseriis hominum efficaciter compatiebatur, et miserationum Domini dulciter recordabatur, et dicebat: « Ubi sunt misericordiae tue antiquæ, Domine, sicut jurasti David in veritate tua? » (*Psal. lxxxviii.*) Et iterum: « Miserere, Deus, plebi tuae, supra quam invocatum est nomen tuum (*Ecccli. xxxvi.*), etc. Veritas vero in incorruptione virginalis propositi, et in puerperio uteri incorrupti solido splendore subsistens, et figurarum legalium **51** umbras reservabat, et peccatorum tenebras arguebat et dicebat (10): Lex et prophetæ usque ad Mariam (*Luc. xvi.*). Et iterum: « Filii hominum usquequo gravi corde, ut quid diligitis vanitatem, et queritis men-

dacium? » (*Psal. xc.*) Scilicet quoniam intra Virginis uterum mirificavit Dominus Sanctum suum (*Psal. iv.*) Justitia quoque perfectione singulari sibi opera Virginis vindicans, et in osculum pacis, totis desideriis inhibens, etiam de longanimitate sustinentiae gloriabatur, et sic loquebatur: « Cum invocarem exaudivit me Deus justitiae meæ, in tribulatione dilatasti mihi (*ibid.*). » Et illud: « In odorem unguentorum tuorum curremus (*Cant. i.*). » Cæterum pax ordinatissima inter secretissimam puritatis arcum se conferens, sub testimonio plenioris gratiæ virginem conscientiam tranquillabat; illam oleo lætitiae et exultationis exhilarans atque dicens: « Dilectus meus mihi, et ego illi (*Cant. ii.*)»; et illud: « Quid mihi est in cœlis, et a te quid volui super terram? Defecit caro mea, et cor meum, Deus cor dis mei (*Psal. lxxii.*)». Erant itaque Virgini, ut dictum est, misericordia in affectu, in partu veritas, justitia in actu, pax in otio spirituali, in quo caro et Spiritus, omni **52** cessante repugnantia, solemnitatis internæ jucundas ferias peragebant. Non incongrue sanctitas Virginis dici potest via virtutis, per quam Dei virtus et Dei sapientia Christus ad infirmos et fatuos venit. In tantum autem de torrente nostræ mortalitatis et passibilitatis hac in via bibit (*Psal. cix.*); in tantum hanc viam arctam Dominus majestatis invenit (*Math. vii.*), ut necessitas patienti et moriendi, quam voluntarie suscepit ex Virgine, et Verbum omnipotens in puerum breviaret, et Dominum gloriae usque ad formam servi exinaniret (*Philipp. ii.*). Veruntamen hanc viam, per quam venit, facit æquitas rectam, veritas certam, virginitas mundam, secunditas fructuosam, pietas accessibilem, charitas communem, humilitas facilèm, singularitas admirabilem, pax amabilèm, æternitas tutam. Hæc omnia in Virgine nostra singulariter mirabilia, et mirabiliter singularia inveniuntur. Felix via, quam qui tenuerit, non errabit (*II Petr. ii.*). Felix Maria, (*II*) quam qui perseveranter amaverit, non peribit! (*Joan. iii.*) Benedictus qui per illam venit; benedicta ipsa per quam benedictio venit; benedictus qui, ipsa duce, venienti occurrit. Sed quia jam tenemus viam, **53** per quam venit, inspicere libet quomodo venit.

Bene venit, qui in nomine Domini venit (*Joan. xii.*); bene venit, qui in nubibus cœli venit (*Math. xxiv.*); bene venit, qui « saliens in montibus, et transiliens colles » venit (*Cant. ii.*). Quid sit nomen ejus, sponsa nos docet, cum dicit: « Oleum effusum nomen tuum (*Cant. i.*)». Quam bene venit, qui totus in oleo venit. Venit in oleo gratiæ, ut illud infundat ad medicinam. Venit in oleo, ut illustret ad scientiam. Venit in oleo, ut mores coniat ad sapientiam. Ipse enim est nomen Patris, oleum infirmorum, Filius olei splendoris, cœlestis Sapientiæ cordimentum. Ipse venit in nubibus cœli, quia hujus olei abundantiam rorantibus cœlis desuper, et nubibus pluviam voluntariam effundentibus (*Isa. xlvi.*), et nomen regiæ unctionis, et unctionem regiæ nominis

A Christus communicavit Ecclesia filii. Uncus est quidem Christus oleo isto præ participibus suis (*Psal. lxiv.*), sed nihilominus participium unctionis, et nominis omnibus contulit Christianis. Væ illi, qui unctionis nomen participat, et rem nominis male vivendo habere detrectat. Christianum enim decet ex sacræ unctionis profusione esse tractabilem, et ex titulo regi **54** nominis dignitatem habere regalem. Christianus enim *inunctus* dicitur, haud dubium quin in sacerdotem et regem, cum solis sacerdotibus et regibus uncio debeatur. Unde et Christianis omnibus Petrus loquitur: « Vos autem genus electum, regale sacerdotium (*I Petr. ii.*)». Christus autem est lecythus hujus olei, quo cum sit quisque fidelis peruncus, nihilominus lecythus olei non est immunitus (*III Reg. xvii.*). Christus enim non accepit Spiritum ad mensuram, cum secundum mensuram donationis unicuique fidelium data sit gratia (*Ephes. iv.*). Hæc uncio gratiæ nobis venit in nubibus, et de nubibus cœli. Recte oral propheta, ut nubes pluant justum (*Isa. xlvi.*), quia hujus unctionis pluvia justificat impium. Computrescit quippe peccati jugum a facie olei, cum peccatum solvit in confessione et dilectione nominis Christi. Quid autem sunt nubes cœli, nisi secretæ inspirationes Spiritus sancti, quæ mentem rore Spiritus sancti compluunt, aut ipsa membra corporis Christi, quæ latenter in eo divinitatem obnubunt? Nubes quippe et terram compluunt, et cœlum tegunt. Sunt etiam nubes cœli, prædicatores regni, qui, ut nubes **55** volant, et per aërem divinæ speculationis discurrendo coruscant. Quod si cœlum sacra Scriptura dicitur, dici possunt nubes cœli, figuræ et ænigmata sacri eloquii; ut si cœlum dicitur sancta Ecclesia, quid erunt nubes cœli, nisi Ecclesiæ sacramenta? In nubibus istis continetur aqua nostræ ablutionis, id est nostri cognitio et dilectio Redemptoris. Unde scriptum est: « Qui ligat aquas in nubibus (*Job xxvi.*)». Venit etiam « saliens in montibus, et transiliens colles (*Cant. ii.*)», quia angelorum et hominum transcendit altitudines. Salit in montibus, tanquam fons Dei salientis in vitam æternam (*Joan. iv.*). Ipse enim mons est olivarum, mons pinguis (*Psal. lxvii.*), mons in vertice montium. Colles transilit, quia omnium sanctorum merita, quæ et de sua plenitudine tribuit, incomparabili sublimitate præcellit. Ecce quomodo venit. Sed qui taliter venit, quo tempore venit? Apostolus de tempore adventus ejus loquitur, dicens: « Postquam venit plenitudo temporis, misit Deus Filium suum in terris (*Galat. iv.*)». Nunquam venit Dei Filius nisi in plenitudine temporis. Temporis plenitudo est tempus in ejus providentia præflitum, **56** quando venire velit et debeat, secundum dispositum suum. Verum quod tempus sue ordinationi congrual, et quando, sicut est præordinatum, adveniat, ipse solus novit nosque hujus cognitionis expertes reliquit.

« Nescimus », enim, sicut ipse ait in Evangelio,

« quando Dominus noster venturus sit ; sera, an media nocte, an galli cantu, an mane (*Marc. xiii.*). » Quoniam sera venit, cum in extremis agentem, et non merentem inopinato gratiae sua præventu à perversitate sua corrigit, et compungit. Illoc tempore latroni adfuit, cui extrema agenti tam subito et Gdei meritum dedit et paradisum aperuit (*Luc. xxii.*). Media nocte venit, cum in tenebris ignorantia, vel mediis tribulationibus constitutum per indebitam gratiam educit ad lucis vel refrigerii portum. In galli cantu venit, quando ad prædications vel sacrae lectionis verba, audientium corda convertit. Mane venit, quando nocte criminum clapsa, et peccandi voluntate deposita, lucem penitentia matutinam pietatis splendor infundit. An non sero ad Adam venit, cum ad auram post meridiem, die vergente in vesperam, innocentia declinante in culpam, abscondenti **57** se a facie solis, et charitatis ardor refriguit, et immortalitatis splendor occubuit ? An non media nocte in Ægyptum venit, quando crepuscus populum suum in tribulatione maxima possum, primogenita Ægypti percussit ? (*Erod. xii.*) Sic etiam in Galli cantu venit, quando juxta legalium promissa sacramentorum, et voces prophetarum, ad liberandum hominem per Virginem venit. Galli quippe cantus, secuturæ lucis nuntius, sermonem designat propheticum, quo veræ lucis prænuntiabatur adventus. Et ecce iterum mane veniet, cum post noctem hujus sæculi judicii dies illucescat extremi. Nescimus tamen utrum dies illa, nobis futura sit lucis æternæ diluculum, an (quod Deus avertat !) crepusculum æternae noctis. Ideo in timore et in sollicitudine semper esse debemus ; quia, etsi de alveatu judicis certi sumus per fidem, quando tamen veniat, aut qualis veniat nobis certitudinem non habemus. « Nemo enim scit, sicut scriptum est, utrum tunc dignus amore, an odio, sit futurus (*Eccle. ix.*). » Verum primus iste adventus nostri Salvatoris, proprie et spiritualiter plenitudo temporis appellatur, cum **58** scilicet, expletis temporibus divinae providentiae, impletæ sunt Scripturæ, et humanæ misericordiae plenitudini opposita est plenitudo misericordiæ Dei. « Ibi enim superabundavit gratia, ubi iniquitas superabundavit (*1 Tim. i.*). » Ubi consummatio justitiae fecit iniquitatis consummationem, ibi omnis consummationis vidit finem propheta David. Tempus hujus plenitudinis fuit plenitudo hujus temporis : est medium illud silentium, sive noctis intermedium, quo sermo omnipotens a regalibus sedibus venit, et infidelitatem seu dissidentiam silentium rumpens, linguis infantium disertas fecit (*Sap. x.*). » Bene, et congrue mediator ad medium, et ad silentium sermo accurrerit. Medium quippe silentium, id est plena et perfecta cessatio a bono in profunda nocte ignorantiae ex longa Dei obliviousione provenerat. Interim mediaticus nostræ filius, omnipotens mediator venit in medium, ut de medio tale silentium faceret ; et se Verbum infans insufdit infantibus, ut ex ore infantium lau-

A dem perficeret (*Psalm. viii.*). Venit Sermo ad silentium, venit Verbum in infantiam, et mirum in modum per silentium infantie suæ, et linguas infantium disertas fecit, » **59** et juxta prophetam, « linguam maris Ægypti desolavit (*Isa. xi.*). » Per incarnationem Verbi mysterium, dum infantia apparuit Sapientia, obstructum est os loquentium iniqua (*Psalm. lxii.*). » Et juxta eundem prophetam : « Omnis iniquitas oppilabit os suum (*Psalm. cvi.*). » Sermo itaque velociter currens (*Psalm. cxlvii.*), qui tam suaviter, et silenter nostræ mysteria salutis disposuit, dum et a fine usque ad finem fortiter attingit (*Sap. viii.*), etiam usque ad misericordiam nostræ profunda dignanter descendit. Misericordiae nostræ profunda sunt, in fragili carne concipi, ad laborem nasci, necessitatis humane defectibus subjici, carcere hujus exsilio coactari, non carere carnis similitudine peccati, mortis legibus obligari. Has omnes necessitates absque peccato Dei Filius Verbum omnipotens non necessitate, sed voluntate suscepit, et dum se solus et inter mortuos liber (*Psalm. lxxxvii.*), tantis necessitatibus voluntarie subdit, ad veram nos libertatem reducit. Unde Apostolus : « Qui eruit, inquit, nos de potestate tenebrarum, et transtulit in regnum Filii charitatis suæ (*Coloss. i.*). » Certe vidisti, filii hominis, quousque Filius Dei descendenterit, quantum se Pater misericordiarum ad miseros inclinaverit. **60** Totum enim misericordia, et miseratione fuit, quidquid misericors et miserator Dominus erga miseros fecit. Verum ad hoc versus videbis miserationes majores. Intuere genus passionis et mortis ; intuere profundum inferni inferioris. Certe crucis supplicio temporalem vitam finiens, mortis imperium triumphavit, et ut inferos expoliaret, illuc descendere non refugit. Ibi infernum momordit, et morti morsum mortuus inflixit, quo cibi velti morsus, ex quo mors oriebatur, recompensationem accepit. O miranda divinae sublimitatis humilitas ! O stupenda superiore pietatis dignatio ! Quid in tormentis poena crucis durius ? Quid in opprobriis forma crucis probrosius ? Attamen quisque ad formam servi se exinanivit, etiam usque ad mortem crucis scipsum humiliiter dejicere non exhorruit (*Philip. ii.*). Et qui rex glorie, in celis semper manens consistit, etiam per suæ dignationis presentiam potenter inferos spoliavit. Rex enim noster, etsi in infirmitate apparuit, non tamquam plenitudinem potestatis amisit. Regia quippe potestate etiam in infirmitate non caruit, et quanta est ei in omnium creatione potentia, tanta ei in malorum **61** perpessione patientia fuit. Sieci regis nostri omnipotentis praedicat mundus creatus ex nihilo, cui dare voluit, et potuit existentiam et formam ; sic in eo insigne regiae virtutis insinuat patientia fortitudo insuperabilis, per quam mundus reformatur ad vitam. Venit itaque rex in potestate et unctione : non enim sine unctione regiam obtinet dignitatem, nec sine potestate regia regiam obtinet unctionem. Venit rex ex potestate regia fortis et

rectus; ex unctione tractabilis et quietus. Venit A est enim in tenebris lumen rectis corde. Eta*l* lucendibus unguentis tanquam unctione infirmorum; venit in fortitudine regis tanquam efficax regimen animarum. Cum itaque Rex regum, nomen aut regum dignitatem sine unctione non habeat, merito rex noster Christus dicitur, quo nomine tam regia quam sacerdotalis unctione designatur. Oleo olinirum invisibili in regem et sacerdotem Christus inungitur, quem, juxta Petri sententiam, « Deus Pater unxit Spiritu et virtute (Act. x). » Hoc oleo plenus, id est Spiritum sanctum non ad mensuram accipiens, et regnum gratiae suis participibus tribuit, et se pro eis offerens, verum sacerdotem ostendit.

62 Igitur occurrainus regi nostro; et quia delibutus unguentis venit, a quibus unctionis nomen trahit, curramus ad ipsum, et curramus in odorem unguentorum suorum (*Cant. i*). Unguenta ejus sunt charismata sancti Spiritus, quo tanquam oleo latitiae praे suis est participibus unctionis (*Psal. xliv*). Odor unguentorum est fides, et amor virtutum, quæ, sicut in ipso plenissime habentur, ita et de ejus plenitudine pro suæ dispensationis arbitrio, quibus ipse voluerit, tribuuntur. Bene autem ei occurrimus, si quare venerit attentes, et causam ejus adventus sibi non sicta approbantes, oblatum nobis nostræ redemptiois premium grataanter et fideliter amplectamur. Ad hoc enim venit, ut nos redimeret, non corruptilibus auro vel argento, sed incorruptibili suo sanguinis pretio (*I Petr. i*). Tota nimis causa adventus ejus nostra est salus. Tanto itaque debemus devotius et festivius regi nostro occurrere, quanto cogonoscimus ipsam nullam habentem indigentiam bonitate tam gratuita immortorum utilitatibus deseruire. Non itaque corporum motibus, sed progressibus sivei, affectionum passibus, virtutum operibus venienti **63** ad nos, propter nos, Salvatori nostro obviam occurramus, ut sicut venit ad nos per susceptam humanitatem, ita etiam in nos veniat, et suam in nobis constitutam mansiōnem. Qui cum Patre, etc.

64 SERMO III.

DE PARTU B. VIRGINIS.

Cantate Domino canticum novum, quia mirabilia fecit (Psal. cxlii). Novis est efferenda laudibus hodiernæ celebritas novitatis. Quid enim non novum, ubi cœlum, et terram novam, cœli et terræ Dominus facit? Cœlum quippe novum Virginis partus; terra nova est Virginia uterus. Per hæc duo, nova sunt omnia, dum per novam Verbi Dei in carne nativitatem vetustas abjicitur luctuosa (12). O quam mira novitas, ubi antiquus dierum, puer unius noctis efficitur! Ubi Verbum est caro, Sapientia infans, Deus homo, Virgo mater, suæ ancille filius omnium Dominus **65** et creator! Innovato igitur corde opus est ad excipiendam tantæ novitatis latitudinem. Sonet vox tubæ cornæ (*Psal. xcvi*), in solemnitate neomeniæ. Audiatur vox exultationis (*Psal. cxvii*) et solutio in tabernaculis justorum (*Psal. cxii*), quia Sol justitiae oritur in tabernaculis peccatorum: exortum

A est enim in tenebris lucem tenebræ non comprehendunt (*Joan. i*), lucem tamen suam inter tenebras lucis sibi deprehendant. Unde cantant canticum novum, et dicunt: « Puer natus est (*Isai. ix*). » Hoc cantare, credere, diligere, et sperare, non solum justis, sed et peccatoribus suadetur. « Cantate, ait, Domino canticum novum; cantate Domino, omnis terra. » Omnis terra, omnis homo; ne forte ab hac laude vel latititia justus velit excipere peccatorem. Imo pene totum est peccatoris quod agitur; quia Jesus non justos vocare (*Math. ix*), sed querere, et salvum facere venit, quod perierat (*Luc. xix*). Pertinet igitur ad omnes cantare canticum novum, et neminem, quantum in ipso est, a salute B excipit, qui Dominus omnium nasci omnibus venit. Justis est canticum novum nova vita, qua in azymis sinceritatis et veritatis (*I Cor. v*) **66** epulantur, et exsultant in conspectu Dei, et delectantur in latititia (*Psal. lxvii*). Peccatoribus est canticum novum timor et paenitentia, per quam in Dei Filio renascentes, vetera, novis supervenientibus, projiciunt, et ad vetustissima veterum comedenda resurgent. Nova sunt quæ novus Adam per mysterium novæ instituit nativitatis; vetera sunt culpa et poena, in quibus nos Adæ veteris corruptibilis generatio propagavit; vetustissima veterum sunt illa incassibilis, et æterna nativitas, qua Deus Pater ante Luciferum Verbum summ de sua substantia sibi per omnia coæquale, et consimile generavit (*Psal. cix*). Tempoream Christi nativitatem diligere, et, præ amore Alius, omne quod aliud est fastidire, est nova supervenientia veteribus anteferre. Æternam vero ejus nativitatem credere et intelligere, et, præ contemplatione ejus, omne quod animo occurrit, quantum fieri potest, abigere, est vetustissima veterum in esum mentis et delicias revocare.

His deliciis justus pascatur, nec potest non cantare canticum novum, cum eum tanta dulcedini refectione reddiderit innovatum. Eadem Dei miseratione ad eisdem **67** delicias per paenitentiam peccator renascitur; nec potest ipse non cantare canticum novum, cum ad innovationem suj, sibi præter merita videat apponi delicias angelorum. Hinc est quod auditur « in voce exultationis et confessionis sonus epulantis (*Psal. xli*). » Epulatur nimis peccator humilis, dum se suis pascat lacrymis, dicens: « Fuerunt mihi lacrymæ meæ panes die a nocte (*ibid.*). » Sed inter epulas auditur sonus, cum inter lacrymas concrèpat gemitus, vel certe laus misericordie Redemptoris cum accusatione propriæ iniquitatis. Habet autem laus illa vocem exultationis, habet et accusatio vocem confessionis; ut sit in voce exultationis et confessionis sonus epulantis. « Quare ergo tristis es, anima mea, et quare conturbas me? » (*ibid.*) Licet sis per molem criminum terra, licet te deorsum trahat actio ponderosa, canta tamen Domino canticum novum, quod cantare præcipitur omnis terra. « Spera in Deo

(*Idem.*), » et erit tibi canticum novum ipsum speci desiderium. Tali suspensa, et extensa desiderio, veterem hominem cum suis actibus dorsum exes, et novum, qui secundum Deum eratus est (*Ephes. iv.*), libere evolans **68** sursum requires. Tunc so queris vocem apostoli, qui exhortans ait : « Quae sursum sunt sapite, ubi Christus est in dextera Dei sedens (*Coloss. iii.*). » Canta ergo, anima mea, canta Domino canticum novum, et omittit jam cantare canticum vetus. Canticum vetus est illa discors consonantia, qua te antiquo hosti perverse consolans, te huic seculo deformiter conformasti ; contra hoc quod prohibet Apostolus : « Nolite conformari huic saeculo, inquiens (*Rom. viii.*) : Canticum vetus est exultatio de terrenis, felicitas de transitoriis, letitia in maleficiis, impunitas in peccatis. Denique canticum vetus est initium omnium peccati superbia, qua ab antiquo hoste principium habuit, et primum hominem initiatione malitiae veteravit. Denique haec vetustas quasi quodam hereditario jure in omnes veteris Adae filios transiens, ita veterosi serpentis legibus obnoxios fecit, ut nisi Unigeniti subveniret nova in carne nativitas, ad interitum necessario traheret damnabilis illa vetustas. Unde Apostolus : « Quod antiquatur et senescit, prope interitum est (*Hebr. viii.*). »

Iaque hujus veteris cantilenæ sonus ita in omnem terram exierat, et ita **69** omnium aures occupaverat, ut nusquam pene audiretur coelestis harmonie consonantia, nunquam verbo Dei audientia fieret, nec dulcissima vita mandata humano caperentur auditu. Est enim canticum vetus, ubi clamor et indignatio, ubi contentio et blasphemia, ubi rixæ et odium, ubi tumultus et inquietudo, ubi carnalibus vitiis spirituales se jungunt requitiae, ubi denique de superbia cordis oris impuritas ad operis iniquitatem prorumpit. Talibus namque sonis male consonantibus veteris cantici deceptibilis modulatio explicatur, flatu scilicet, voce et pulsu. His tribus etiam modis instrumentalis musica exercetur.

Verum quod nunc ad rem attinet, flatus pertinet ad tumorem superbie, qua sensum cordis reddit inflatum. Vox ad usum sermonis, quo de corde tumido verbum prodit impurum; tactus ad motum corporis, quo opus explicatur injustum. Corde igitur tumido, ore impuro, motu corporis impudico dum veteri homini deservitur, quædam veteris cantici maleplacens melodia excutitur, cuius fallaci dulcedine et carnis concupiscentiae nutruntur, et afficiens mundus **70** attrahit et demonis applaudens impuritas oblectatur. Dum his fallacibus modulis totum se inclinat et impendit Herodes, dum se saltatrix impudica coaptat Herodias, et suo providet pacem incestui et facile obtinet truncari capite Joannem Baptistam; Joannes quippe *gratia Dei* dicitur, quæ *gratia* quasi truncatur capite, dum ejus principium ab illis praeceditur qui, veteris vitæ capti voluptuosa dulcedine, divinae novitatis expertes inveniuntur.

Nunc itaque, quia de cantico veteri aliqua dixi-

A mus, arguentes nosmetipsos quod illud pene semper cantavimus, jam ad melodiam cantici novi, ad vitæ novæ dulcedinem et lingua et animo transeamus. Verumtamen hoc de cantico veteri adjiciendum, quod ipsum a vocibus superacutis incipit, suoque cantori miserabilis raucedinis horrorem immittit. Superbia enim super omne quod dicitur, aut quod colitur Deus, ventosa se levitate extollit (*II Thess. ii.*). Unde scriptum est : « Superbia eorum qui te odérunt, ascendit semper (*Psal. lxxiiii.*). » Sed sermo Dei vivus et efficax (*Hebr. iv.*), Verbum scilicet Patris omnipotens, de sua soliditate offendit in se superbiam alludit, et **71** conterit, in inferni profunda demergit, sicut scriptum est : « Qui se exaltat, humiliabitur (*Luc. xiv.*) : et illud ; « Superbis Deus resistit (*I Petr. v.*). » — « Peccator autem cum venerit in profundum malorum, » quasi cui raucedo vocem abstulit, non Dei judicium laudat, non peccatum suum humiliiter accusat, sed « contemnit (*Prov. xviii.*). » Hinc est quod ille rex, qui super omnes filios superbie (*Job xl.*) canticum illud totius dissonantiae, quantum alte potuit, intonuit, et dixit : « Ponam sedem meam ad aquilonem, super astra cœli exaltabo solium meum, similis ero Altissimo (*Isa. xiv.*). » Sed haec ejus antiphona concordiam vocalem non habuit, quia in coelestis musicæ harmoniam offendens, in concordabis dissonantie lapsum incurrit. Verum cantici novi melos a gravi et humili voce incipit, et suavi modulatione, etiam demulcens angelos, ad aures Omnipotentis ascendit, sicut scriptum est : « Qui se humiliat exaltabitur (*Luc. xiv.*). » Deo enim « humilium semper et mansuetorum placuit deprecatio (*Judith. ix.*). » Ad cantici hujus novi modulos invitatur cum dicitur : « Cantate Domino canticum novum, quia mirabilia fecit (*Psal. xcvi.*). » Quam bene, quam congrue ad cantandum nos manu **72** fortis invitat ! David enim manu *fortis* dicitur : illi nimirum divinæ laudis letitia competit, qui divinæ manus adiutorio fortiter mundi hujus desideria triumphavit. Unde, et idem Manusfortis etiam *aspectu desiderabilis* dicitur, quia qui circa vitiorum turpitudinem spiritus fortitudinem accipit, recipit etiam ex desiderio virtutis aspectum decoris. Unde et Daniel sanctus, a vitiis continens et desideriis coelestibus æstuans, vir desideriorum appellatur (*Dan. x.*). Est igitur Deo, et angelis aspectu desiderabilis, cui fortis manu vitio resistenti in desiderio est decor virtutis et in ore est canticum speciosæ laudis. Huic tali competit cantare canticum novum et ad cantandum alioe invitare, quia, sicut scriptum est : « Rectos decet laudatio (*Psal. xxxii.*) : et alibi dicitur : « Quia non est speciosa laus in ore peccatoris (*Ecclesi. xv.*). » Unde, et Manusfortis iste in quodam loco exsultat, et laudat et gratias agit, dicens : « Benedictus Dominus Deus meus, qui docet manus meas ad prælium et digitos mens ad bellum (*Psal. cxliii.*). » Et quod non sit expers cantici novi, in sequentibus hujus psalmi ostendit, dicens : « Deus, canticum novum cantabo

73 tibi, in psalterio decem chordarum psallam tibi. » Verum cum cantare sit exsultantis, exsultare amantis, amare filiorum, videtur præceptum canticum novum solis filii esse propositum. Quare ergo non dicitur, cantate, filii, Patri vestro Deo, sed dicitur, « cantate Domino? » Dominus certe debetur servitus in timore (*Psal. ii.*). « Si ego sum, ait, Dominus, ubi est timor meus? » (*Malach. i.*) Servus itaque qui non manet in domo in æternum (*Joan. viii.*), non in canticis exsultat, sed in luctu et lamentatione flagellum formidolosus exspectat. Sed sciendum quia est « fidelis servus et prudens, quem constituit Dominus super familiari suam (*Luc. xii.*) ; » est servus malus et piger, qui in sudario abscondit pecuniam domini sui (*Luc. xix.*) ; et servus mercenarius, qui per omnia sequitur retributionem (*Psal. cxviii.*). Est servus conditionalis qui famulatur ad oculum (*Coloss. iii.*), nec Dominum suum diligit, sed metuit poenam.

Ex his omnibus cantat canticum novum fidelis servus, quemadmodum et felix filius. Filius cantat, et exsultat in charitate; fidelis servus cantat et exsultat in humilitate. Certe uterque cantat, quia laudat. Laudat justus, quia de perceptis beneficiis gratias agit; laudat humilis reus, quia Dei judicia approbans **74** et misericordiam admirans, sua opera reprehendit. Hoc solum interest inter filium et servum fidem, inter justum et peccatorem humilem, quod filii charitas cantat in psalterio, servi humilitas psallit in cithara. Psalterium sonum reddit a parte superiori; cithara a parte inferiori. Psalterium est exsultatio justi ex contemplatione et desiderio supernorum; cithara est rei humilis lamentatio ex consideratione et horrore malorum suorum. Cum divinæ puritatib; et fraternali charitati per consonantiam morum et operum concordat, tunc in psalterio intus cantat. Cum passiones carnis edomat, cum membra sua, que sunt super terram, et mortificat (*Coloss. iii.*), tunc servus humilis citharizat. Est autem « Psalterium jucundum cum cithara (*Psal. lxxx.*), » quia grata est Deo et placens justorum innocentia. Sed nihilominus ei mortificatio poenitentium est accepta. Cæterum et justo psalterium, et poenitenti est cithara, ipse cui Pater Deus in Psalmo loquitur dicens: « Exsurge, gloria mea, exsurge, psalterium et cithara (*Psal. lvi.*). » Et ipse utrumque se esse annuens: « Exsurgam, ait, diluculo. » Surgens quippe Jesus mane prima Sabbati discipulis **75** suis in multis argumentis per quadraginta dies apparuit (*Act. i.*). Ex tunc ad decem dierum exspectationem, quasi ad decem chordarum extensionem, repentina sonitu, Spiritus sanctus venit (*Act. ii.*), et ad Verbi omnipotentis intelligentiam, quasi ad psalterii melodiam, dum omnium gentium linguas consonas fecit, omne genus humanum convocavit. Psalterium, inquam, decem chordarum est Patris Unigenitus, quia, dum ad justificationem hominum deceni legis mandata proponit quasi decem chordas ad sui laudem in seipso tetendit. Se autem poenitentibus quasi citharam fecit, dum per carnem et carnis

A peccati similitudinem (*Rom. viii.*) innoxii corporis membra pro nocentibus in ligno crucis extendit. Sicut nimirum David noster Saulis vesaniam temperavit, dum per crucis supplicia in suo corpore citharizans, sua morte diaboli impetum refrenavit. Est itaque Christus psalterium secundum divinitatem, cuius contemplationis dulcedine suos amatores oblectat: cithara est, secundum suscepti corporis passionem, dum pro reis moriens, eos ad veniam vocat. Psalterii sonus est, ubi dicit: « Ego et Pater unum sumus (*Joan. x.*), » et iterum: **76** « Volo, Pater, ut ubi ego sum, illie sit et minister meus (*Joan. xii.*); » citharae melodia est, ubi ait: « Discite a me quia misericordia sum et humilis corde (*Matth. xi.*). » Et adhuc dulcissimus citharizans ait: « Pater, ignosc illos, quia bnesciunt quid faciunt (*Luc. xxii.*). » Cithara duo ligna habet: unum superius solidum, alterum inferius concavum. Superius solidum est omnipotens deitas, inferius concavum est unita deitati humanitas. Hoc lignum concavum dicitur, quia humana natura in Christo tantæ gratiae susceptibilis inventur. Unde Apostolus: « In quo habitat omnis plenitudo divinitatis corporaliter (*Coloss. ii.*). » Chordæ, quæ inter duo ligna tenduntur et de concavitate ligni inferioris sonoræ redduntur, sunt opera misericordiæ, quibus miser homo redimitur, et quæ nobis salutis nostræ efficacia per incarnationis mysterium exhibentur. Cithara non habet determinatum numerum chordarum, quia non est finis Dei miserationum, sicut scriptum est: « Misericordiæ ejus non est numerus (*Orat. Eccl.*) »,

Quod si novem angelorum ordines attendis, et quasi decimam chordam glorificati hominis supereminentem excellentiam, dum in hac consideratione **77** Sapientia bonitatem miraris, laudas et diligis, quasi decem chorlas cujusdam psalterii tangis. Sed ad hoc quis idoneus? Non excutit, aut percipit modulos tam miræ suavitatis, quem non extulerit ad virtutum sublimia purificatæ intelligentia mentis. Illorum sunt hæc qui facti sunt hostes malitiae, amatores justitiae, emulatores angelicæ puritatis. Tales, quo amplius anhelant ad æternæ retributionis denarium, eo suavius et subtilius tangunt Psalterium decem chordarum; qui de numeris númerus tam incenarrabilis dulcedine resonat, ut suavitas ejus omnem intellectum humanæ et angelicæ rationis excedat. Prima corda est æterni Verbi nativitas, quod est Patri suo consubstantiale et coæternum; secunda est secretum præordinatiois suæ consilium; tercua est potentia qua initium universitati per essentiam dedit; quarta, sapientia quæ formam præstabilit; quinta, bonitas qua suam providentiam gubernandi impendit; sexta, justitia quæ de rationali creatura prævaricante debitam ultionem expedit; septima, gratia, qua patres elegit; octava veritatis scientia qua legem tulit; nona, misericordia qua **78** nos redemit; decima, revelationis filiorum Dei, cuius exspectatio creaturam suscepit. Cithara est vel una omnium, modus scilicet

cet nostræ liberationis, vel singulæ singulorum ci-
tharizantium in citharis suis, hoc est lætantium in
corporibus propriis, peccati stimulo et tunica mor-
talitatis exutis. Qui enim hic in mortificatione sui
corporis citharizat canticum humilis confessionis,
ibi in ejusdem corporis glorificatione citharizabit
cantum æternæ jubilationis. Quia igitur tenemus
psalterium, cantemus in eo canticum novum, ad
exemplum, et imitationem pueri qui natus est nobis
(*Isai. ix.*), qui plenus est gratiæ et veritatis (*Joan. i.*). In novam renascamur infantiam, ut per inno-
centiam vitæ correctionis capaces efficiamur san-
ctæ novitatis. In psalterio puri cordis et cithara
casti corporis psallamus circa cunabula Verbi in-
fantis, miscentes et vagitibus ejus etiam lacryma-
bilia poenitentia necessarios genitus. Sonent in no-
vitate vitæ moduli virtutum, qui in auribus Verbi
perficiunt canticum novum. Sunt enim novem quæ-
dam quæ hanc in nobis jure perficiunt novitatem.
Et quia de auctoritate Scripturaræ **79** novam vitam,
novum cantum dicimus, illa novem quasi novem
notulas, in quibus disponatur novum cantum,
appellamus. Prima itaque nostri cantus nota est
fides non sicta; secunda, humilitas vera; tertia,
carnis continentia; quarta, disciplinæ gravitas;
quinta, oris veritas; sexta, pietas fraternæ com-
passionis; septima, patientia in adversis; octava,
desiderium æternitatis; nona est immobilis animi
constantia in omnibus istis. Recte proficientium et
suspirantium ad novem ordines angelorum mores
disponit concentus et consonantia harum virtutum.
Cur autem cantandum sit Domino cantum
novum, causa subinfertur cum dicitur: « Quia mi-
rabilia fecit. » Mirabilis est Deus in majestate sua,
mirabilis in sanctis suis (*Psal. LXVII.*), mirabilis in
cunctis operibus suis, ubique et in omnibus est
mirabilis, qui fecit magnalia in Ægypto, mirabilia
in terra Cham, terribilia in mari Rubro (*Psal. cv.*).
Mirabile est opus mundi creatio cum elementis
suis, sed longe mirabilius est incarnatione Verbi cum
sacrameutis suis. Mirabilia quidem sunt opera na-
turæ, sed quia usu viluerunt, quasi vetera sunt, nec
interim **80** novi cantici exultationem merentur.
Verum nova mirabilia, quibus nos innovat miranda
Dei misericordia, nova sunt cantica laudibus effe-
renda. Inter omnia mirabilia quæ artifex sapientia
fecit, tria sunt singulariter mirabilia, et mirabiliter
singularia, quæ et superius ex aliqua parte tetigli-
mus, scilicet quod mater et virgo, Verbum infans,
Deus homo. Ille sunt nova, quia inaudita sunt; et
mirabilia, quia naturam excedentia. Ex fide ei di-
lectione istorum mirabilium pendet innovatio no-
stra. Propterea pueri qui natus et datus est nobis,
vocatur nomen admirabile (*Isai. ix.*), quia men-
tibus sua gratia innovandis in seipso parat tam
stupendæ miracula novitatis. Certe cum Pater
Idem et futuri sæculi, et princeps pacis, tribus su-
pradicis unirabilibus quartum addidit (*ibid.*), ut
quemadmodum beatus et potens Deus factus est

A homo misericorditer, ita miser homo sublimetur in
Deum mirabiliter: tunc plenus erit novi cantici
sonus, tunc erit suavis plena lætitiae jubilus, quia
« Deus erit omnia in omnibus (I Cor. xv.). »

Tunc apparebit in virum perfectum (*Ephes. iv.*),
qui modo nascitur nobis in puerum, et **81** qui
nunc filius datus est nobis in participem nostræ
tribulationis, tunc se offeret nobis datorem et prin-
cipem æternæ pacis. Tunc videbimus et affluemus,
mirabimur et dilatabitur cor nostrum (*Isai. LX.*), quando « sicut audivimus, ita et videbimus in civi-
tate Dei nostri (*Psal. XLVII.*). » Tunc plena expe-
rientialia sentiemus; quam magna multitudine dulcedie-
nis tuæ, Domine, quam abscondisti timentibus te
(*Psal. xxx.*). Quam nobis parare dignetur puer qui
B propter hoc natus nobis filius, qui ad hoc datus est
nobis, qui tecum et cum Spiritu sancto vivit et re-
gnat, etc.

82 SERMO IV.

IN PURIFICATIONEM B. MARIE.

*Obtulerunt pro eo Domino par turtarum, aut
duos pullos columbarum (Luc. ii).* Ad festum Lu-
minis mente luminosa colendum invitat Pater lu-
minum filios lucis. « Accedite ergo ad eum et illu-
minamini (*Psal. XXXIII.*). » Siquidem ipse « qui ha-
bitat lucem inaccessibilem (I Tim. vi), » dignanter
factus est accessibilis, ponens nubem carnis de-
scensum suum, ut infirmus et infimus haberet ac-
cessum. O descensum misericordiæ! « Inclinavit
cœlos, » hoc est excelsa divinitatis, « et descendit »
C per præsentiam carnis, « et caligo sub pedibus ejus
(*Psal. XVII.*). » Pedes quibus ad nos venit, sunt miseri-
cordia et veritas. Quod carnem **83** nostram accepit,
pes misericordiæ fuit; quod sine mendacio peccati
acepit, veritas fuit. Attamen sub pedibus ejus ca-
ligo fuit, quia in corpore, quod assumpsit ex mi-
sericordia et veritate, hoc est sine culpa, simili-
tudo carnis peccati apparuit. Hinc alibi scriptum
est: « Nubes et caligo in circuitu ejus (*Psal. XCVI.*). »

Nubes et caligo, quia in nube caligo, hoc est in
carne, peccati similitudo. O caliginem reparando
lumi necessarium. Certe dum carnis nubem pec-
cati similitudine caliginosam sibi lux vera adhi-
buit, per objectum hujus caliginis, et mundi sa-
piencia, et malitia hominum, et dæmonum astutia
caligavit. Inde cæcitas contigit in Israel (*Rom. xi.*);
et dum Dominum gloriæ non cognovit (I Cor. ii)
luxem veram tenebras reputans, redemptoris no-
stræ negotium nesciendo peregit. Unde ergo lux
vera posuit carnem latibulum suum, inde auxerunt
tenebras suas filii tenebrarum. Accedat ergo caro
ad carnem, in qua dediscat quæ carnis sunt, et sic
de carne paulatim transire in spiritum doceamur.
Accedat, inquam, et nunc maxime, quia jam ali-
quatenus plus solito **84** jubar suum Sol novus ex-
erit, et qui hactenus apud Bethlehem inter angu-
stum præsepium paucis cognitus claudebatur, ho-
die in Ierusalem in templo Domini coram ploribus

præsentatur. Usque nunc tu Bethlehem, com-
muni luce sola gvisa es, et, insolite novitatis
superba privilegio, splendoris paritate ipsi etiam
contendere poteras orienti : imo (mirabile dictu) in
angusto præsepi apud te plus erat luminis, quam
proferre solet oriens mundani solis. Quid tu ergo
communes radios universitati existentium invide-
bas ? Vix lucem illam paucis pastaribus ostendi-
stis. Vix tres Orientales viros ad præsepium novi lumi-
nis admisisti. Sed jam de absconditis tuis Sol,
totum orbem illustratus, progreditur, utrum
apud te aliquid reliquerit tenebrarum, tu videris.

Hodie itaque offertur in templo templi Do-
minus, et offeruntur pro eo aves superius no-
minatae. In hac enim præsentatione gemina ce-
lebratur oblatio ; una sit de ipso, altera pro
ipso. Et cum pro eo aves offeruntur, oblatio
oblatione redimitur. Pretio avium, pretium no-
strum redimitur, et Redemptor noster **85**
redimitur antequam nos redimamur ab ipso.
Digna plane et singularis oblatio, vilium quidem
avium pretio interveniente redempta, sed tempore
opportuno genus humanum impreiabilis sui san-
guinis pretio redemptura ! Et hic babemus tertiam
oblationem, qua Agnus Dei pro salute mundi in ara
crucis se obtulit Deo Patri. Facturus est etiam
quartam oblationem in fine mundi, quando, sicut
scriptum est, offeret et tradet regnum Deo Pa-
tri (*I Cor. xv.*). Ilabemus itaque quatuor oblations
distinctas, quarum prima facta est de ipso a pa-
rentibus, secunda pro ipso de avibus, tertiam fecit
ipse de seipso, quartam faciet pro se de suis. In
his omnibus instruimus quid credere, quid imitari,
quid sperare debeamus. Prima oblatio de humi-
litate nos instruit, cum humiliiter legi subjicitur
legislator et iudex ; secunda ad paupertatem vo-
luntariam nos invitat, cum universitatis Auctor et
Dominus hostiam pauperum pro se offerri elegit ;
tertia ad pletatis viscera nos emollit, cum pius Do-
minus mori pro impiis per manus nocentium et
crucis supplicium non refugit. Jam in quarta **86**
oblatione præmium nostrum est, si quintam de
nobis exhibeamus ad meritum. Quintani de nobis
facimus, si nosmetipsos et in legis observantia hu-
miles, et in contemptu mundi voluntarios pauperes
faciamus, et in compassione proximi misericordes
exhibeamus. Si in his tribus obtulerimus nosmet-
ipsos, imitati Dominum, ad quartam pertinebimus
quam de suis faciet in gloria per seipsum. Verum
cum prima et secunda magis insigniant diem istum,
ad illarum considerationem et lingnam et animum
revocemus. *« Obtulerunt, inquit, pro eo Domino*
par turorum aut duos pullos columbarum. » Bene
et congrue pro agno aves offeruntur. Reservetur,
obsecru, agnus in Pascha; aves interim immolentur.
Non hujus loci vel temporis est immolare agnum;
id melius flet in Pascha, cum Pascha nostrum immo-
labitur Christus (*I Cor. v.*). Agnus quippe Christus
est, cuius innocentiae singularis merito de vitiis ad

A virtutes ut transitus, qui Paschæ nomine designa-
tur. Hanc nobis innocentiam turtur et columba
reservant. Turtur significat castitatem, columba
simplicitatem. **87** Castitas excludit luxuriam, ma-
ilitiamque simplicitas. Castitas amica est virginitati,
et veritati simplicitas. Est autem virgo et veritas
Virginis nostræ Filius, Agnus noster innocentia om-
nis. Per oblationem igitur turtris et columbae no-
bis Agnum servamus, si per munditiam carnis et
simplicitatem cordis veram animi innocentiam eu-
stodimus. In hac oblatione duo avium paria com-
memorantur, duæ scilicet turture et duæ columbæ.
Duo paria geminam dilectionem Dei et proximi
significant. Primum par significant per genus volu-
crum castitatem, per numerum charitatem. Est
enim turtur avis casta, quæ, amiso pari, alium
non recipit, solitaria volat, et pro cantu gemitum
habet. Talis est sancta viduitas post conjugium,
talism est castitas per continentiam reparata post
lapsum. Dum dilecta castitati metuunt, secretum
appetunt, turbas fugiunt, et de prolongatione inco-
latus gemunt, et dicunt : « Heu mihi, quia incolatus
meus prolongatus est ! habitavi cum habitantibus
Cedar (*Psal. cxix.*) ». Candida nimirum, et ange-
lici splendoris amica castitas, Dum Cedar habitantibus,
id est, tenebras voluptatum **88** amantibus
cohabitare metuit, merito de exsiliis prolongatione
luget et gemit. Binarius ad charitatem referunt,
quia nonnisi ad alterum charitas proprie haberet
dicitur. In pari igitur turtrum figuratur dilectio
Dei, quam nonnisi caste viventes servare possunt;
in pari columbarum dilectio proximi, quam nonnisi
columbina simplicitate viventes custodiunt. Ad-
verte oblationis sacrae mysterium, et offer, tu,
Domino similia in acquisitione virtutum. Par certe
turorum et duos pullos columbarum obtulisti, si
casto corpore, si simplici corde, si servens chari-
tatem, vitæ novitatem induisti. Recens quippe ætas
in columbarum pullis spiritualiter significat infan-
tiæ novitatis. Quod si etiam pauperem esse hanc
hostiam attendamus, quid aliud, quam de appetenda
et diligenda paupertate monemur ? Beati enim pau-
peres spiritu (*Math. v.*). Ecce quanta nobis lo-
quitur in mysteriis oblatio Verbi infantis ! O dignum
omni admiratione miraculum ! A regalibus sedibus
veniens omnipotens sermo (*Sap. xviii.*), insans in
carne vagit in cunis, qui immensus regnat in æcis,
et quod interim non valet eloqui **89** per ætatem
carnis, docet et clamat in mysteriis prophetarum,
in sacramentis. Ecce mutas aves per pietatem fide-
lis intelligentias divinas philosophie interpretes ei
habemus et tenemus. Misceamus vagitibus immensi
parvuli et planetum turtris et gemitus columbinos.
Utraque enim avis gemitum pro cantu habet. Of-
feramus in carne nostra turturem castitatis, offeramus
in mente columbam simplicitatis. Non sit turtrus
sine gemitu, non sit castitas sine peccati luctu, ut
dicere valeamus : « Vox turtris audita est in terra
nostra (*Cant. 2.*) ». Quid est vox turtris « in terra

nostra, » nisi luctus caste viventium in carne misera, in carne terrena, adhuc a bonis patriæ per miseriam aliena! Alienæ quippe terra est caro nostra, in qua non jubilum, sed gemitum; non cantum, sed planctum [dare] debemus, juxta vocem eujusdam gementis et dicentis: « Quomodo cantabimus canticum Domino in terra aliena? » (*Psalm. cxxvi.*) Vere aliena, in qua « peregrinamur a Domino (*II Cor. v.*). » Attamen turtur nec apparere, nec gemere solet, nisi tempore florum et renovatione vinearum. Unde postquam dictum est, « vox turturis audita est » sequitur **90** Scriptura dicens:

« Flores apparuerunt, vineæ florentes odorem dederunt (*Cant. ii.*). » Dum enim in casto corpore sonat gemitus cordis de dilectione quietis, interim vernant flores bonorum operum, in quibus sperari fructus debeant præmiorum. Quemadmodum enim in flore fructum sperat agricola, sic in meritis ex occultis divinæ gratiæ prodeuntibus fructum æternitatis per spem odoratur conscientia. Vineæ florentes sunt decore, colore et odore illustratae virtutum laboriosæ actiones. Quam felix, quam pura est anima, quæ se Deo talem obtulerit turturam in nido carnis, columbam in solitudine quietæ mentis. Quanta puritas, ubi nulla carnem libido inquinat, nulla mentem malitiæ amaritudo exasperat. Qui talis est, idoneus est Purificationis solemnia celebrare. Sic enim præsentis diei solemnitas appellatur. Quid ergo? (*13*) Purificari hac credendum est purissimam Domini matrem, cuius tam singularis et in partu et post partum fuit puritas, ut totius puritatis nobis proferret auctorem? Quid impuritatis, quid sordidum contrahere potuit, ex qua omnis puritas emanavit? Dicatur **91** iste dies purgatio Mariæ, sive purificatio, non quod in eo beata Dei Genitrix purificata sit, quæ ab ipsa conceptione Verbi, sicut nullatenus peccato consensit, ita nullam prorsus carnis repugniantiam sensit. Sed quia per partum ejus, vel oblationem partus, purgatus est homo peccato pollutus. Aut certe, ut dies iste Purgatio Mariæ dictus sit, fecit legis consuetudo, fecit vulgi opinio, devini partus miraculum secretique mysterii consilium nescientis. Cæterum (*14*), non Mariæ, sed nostra per Mariam purificatio facta est, quæ dum sine omni peccato Dei Filium concepit et peperit, nostras impuritates detersit. Unde si partum ejus fide non sicta amplectamur, si oblationis hodiernæ mysterium animi virtute in templo piæ mentis exequimur, nos magis in hac celebritate purgamur. Si enim per veram fidem confessionem veri Judæi sumus, sex lapideas hydrias ad purificationem nostram positas habemus in Domini hac oblatione. Quid tu non vides in paupercula hostia exemplum voluntariæ paupertatis, in turture signari continentiam carnis, in columba simplicitatem cordis, **92** in duplicato binario typum genitæ charitatis, et sequentem ex his novitatem, quæ figuratur in pullis? Jam sœpe ista commemo-

A rata sunt. Sex hydriæ dici possunt, quia aqua sapien-
tia salutaris plenæ sunt usque ad summum. Unde græce *aqua* dicitur, unde hydriæ nuncupantur; lapideæ sunt, non propter duritiam, sed ob perseverantiae firmitatem. Vade jam, et lavare in eis, et purgaberis, ut pure celebres internæ solemnia purificationis. Aut si forte alias ad purificandum cor hydriæ quæris, de lapide Christo excide tibi sex opera illa misericordiæ, quæ ipse lapis angularis Christus (*Ephes. ii.*), per Evangelium nobis proponit. Primum est esurientem pasceré, secundum sicutientem bibere, vel polare; tertium nudum vestire; quartum hospitem colligere; quintum infirmum visitare; sextum carceratum redimere. His eleemosynis animæ purificantur, et in templo pacifici cordis veræ purificationis festivitas celebratur. Nam et eleemosyna, quæ mentem lavat, ex aqua nomen trahit. Et enim *Deus*, moys *aqua* dicitur. Recte eleemosyna dicitur aqua Dei, quia peccatum est ignis diaboli. Aqua **93** extinguit ignem, et eleemosyna peccatum excludit (*Eccli. iii.*). « Date, ait Dominus, eleemosynam, et ecce omnia munda sunt vobis (*Luc. xi.*). » Adhibe tibi hujus aquæ lavacrum, et « si fuerint peccata tua ut coccinum, quasi nix dealbabuntur (*Isai. v.*). » Et quid, inquam, facturus est claustrum incola, qui has hydriæ ad manum habere non potest? Habentibus enim mundi substantiam sex illa opera misericordiæ proponuntur. Quid ergo faciet pauper spiritu, qui cum rebus mundi, etiam desideria reliquit habendi? Iste talis priores sibi hydriæ habeat in affectu et actu; istas etiam in affectu. Nam internus arbiter, qui de voluntatibus judical, etiam si bonæ voluntati implendæ facultas defuerit, tamen præmium non negabit. Non enim multa operantibus, sed bonam voluntatem habentibus angeli pacem repropmittunt. Cum in ortu Salvatoris canunt, et dicunt: « Gloria in excelsis Deo, et in terra pax omnibus bonæ voluntatis (*Luc. ii.*). »

Quod si in aquis Siloe, quæ fluunt cum silentio (*Isai. viii.*), hoc est in claustralibus observantiis sua purificationis hydriæ monachus habere maluerit, habeat sibi arctam et arduam **94** viam obedientiæ, cuius perfectio in sex observantiis (*Reg. S. Bened. cap. 5.*), quasi in totidem hydriis, continetur: Prima quidem hydria est ut obedientia plena jam sit, hoc est, ut indifferenter impletat omne bonum quod a majore præcipitur; secunda est ut in faciendo moram pati nesciat; tertia est ut in faciendo præceptum non præferat aut nolentis responsum, aut vultum irascentis; quarta est ut ex voluntate id faciat, ne aut simulans bonum, aut malum cordis dissimulans, hilaritatem facies mentiatur; quinta est discretio in præceptis, ut sciat etiam de quo, et quantum et quaudiu obedire debeat, ne fallatur; sexta est longanimitas perseverantiae, quæ ad plenum mentem purificans, æternæ glorificationis salutem donatur: sicut scriptum est: « Qui perseveraverit usque in finem,

hic salvis erit (*Matth. x.*). » Sexque hydriarum, quæ **A** introducunt justitiam. Sed quæ est ista misericordia? Illa, qua sui miseretur homo. De qua scriptum est: « Misericordia tua placens Deo (*Ecli. xxx.*). » Magna misericordia est, suæ animæ misereri, ut Deo placeat. Quid enim illo crudelius, qui seipsum male vivendo interficit? Aut cui bonus erit, qui sibi nequam est? » (*Ecli. xiv.*) Per hanc misericordiam declinatur a malo, et expurgatur a corde peccati mendacium, ut de terra purgati cordis veritas oritur, quæ doceat facere bonum. Ex his duobus perficitur integritas Justitiae, quæ sicut malum non facit, ita bonum facere non omittit. Justitia pacem invenit, quia pax æterna est justitiae retributio.

B Nota, quia cum misericordia, et veritas sibi obviant, de osculo nihil dicitur (*Psal. lxxxiv.*), nisi cum justitia pacem invenit. Quare hoc? quia videbit **98** declinare a malo, et facere bonum (*Psal. xxxvi.*), quod misericordia et veritatis est opus, laborem habet et certamen; sed pacis æternæ quietem accipere, quæ per osculum indicatur, et ad justitiae præmium pertinet, omnem excludit laborem. Tunc enim ut scriptum est: « Lux oritur justo, et recto corde lætitia (*Psal. xcvi.*) Tunc abstergit Deus omnem lacrymam ab oculis sanctorum et mors non erit amplius (*Apoc. vii.*). » Tunc si præcesserit in nobis purificatio vitiorum et virtutum obviatio, erit nobis revelatio sempiterni luminis et gloria interminata quietis.

C

Hic jam venit in memoria tertia appellatio hujus festivitatis quæ etiam a vulgo dicitur *Festivitas sandalarum*. Illam quippe exultationem, quam mereatur cordis purificatio, ad quam tendit præscripta virtutum obviatio, ardens candela designat. Quia etsi lumen verum in cera virgineæ carnis absconditum, quod et Simeon hodie in manibus gestare meruit, repræsentat (*Luc. ii.*); nihilominus tamen vitæ coelestis puritatem et jucunditatem futuræ lucis, quæ tandem manifestabitur in electis, præfigurat. In cæro accenso tria apparent, quæ tres substantias in Christo **99** demonstrant. Cera designat carnem sinceram; lychnus cera circumdatus, animam in carne latente; ignis in utroque unitam carni et animæ Verbi naturam. Veri quidem hujus luminis Simeon bajulus esse meruit, sed purificaverat eum turturis et columbae spiritualis oblatio, et in templo piæ mentis ejus celebris virtutum obviatio solemnizabat. Ipse turtur in carne, ipse columba in spiritu. Et quia has virtutis aves pro adeptione agni, Agnus ipse mente, licet annos ætate obtulerat, idem accepit responsum a Spiritu sancto, se non visurum mortis tenebras, donec videret lumen vitæ (*ibid.*). Utinam æstuet anima mea desiderio Simeonis, ut merear esse bajulus tantæ lucis. Sed certe, ut saepe dictum est, nisi prius purificata mens fuerit a vitiis, ut posmodum de claustris carnis pennis virtutum evolans, et obviam Christo in aera (*I Thess. iv.*) vera libertatis procedat; nec cum Simeone vera luce

laetari poterit, nec in pace dimitti. Necessere est A lis, sic impedit ejusdem tumoris objectio, ne lucem- ergo, ut purisfata mente cum virtutum operibus obviemus Domino, hoc modo interim Hypapante Domino celebrantes. Verum felicius, et festivius hanc solemnitatem **100** agemus, cum sub adventu sponsi, media nocte clamore facto, inter prudentes virgines accensis lampadibus procedemus obviam sponso et sponsae (*Math. xxv*); nam bene illius professionis inenarrabile gaudium significat hæc nostra hodierna processio. Amemus ergo, et imitemur in Simeone et Anna, quod in turture et columba significari dicimus, quia tunc non sapient cantus gemitum columbae vel turturis, sed vertetur in jubilum æternæ laudis. Tunc sicut hodie, in quo melius quam hodie, justi Simeonis canticum communis lætitia concinemus, dicentes : « Nunc dimittis (*Luc. ii*), » etc.

Nota in hoc canto quatuor esse versus, quia quatuor sunt lætitiae coelestis progressus. Primus est in exspectatione et desiderio pii cordis; unde in primo versu se in pace dimitti proclamat. Secundus est in fructu et proventu pia expectationis, unde in secundo versu corporeis etiam oculis se videre salutare Dei, hoc est Salvatorem, exsultat. Tertius est in charitate de profectibus alienis, unde in tertio versu hoc salutare Dei omnibus populis communicari denuntiat, dicens : « Quod parasti ante faciem **101** omnium popolorum (*ibid.*). » Quartus et ultimus progressus est semiperni lumen revelatio, et gloriæ manifestatio, quod in quarto versu commemoratur cum dicitur : « Lumen ad revelationem gentium, et gloriam plebis tuæ Israel (*ibid.*), » id est populi sanctorum facie ad faciem videntis Deum, cui est honor et gloria, in semperna secula. Amen.

102 SERMO V.

IN ASSUMPTIONE B. MARIE.

Mulierem fortem quis inveniet? Procul, et de ultimis finibus pretium ejus (*Prov. xxxi*). Non hoc dicitur, quod impossibile, sed quod difficile sit mulierem fortem invenire. Pene enim hodie difficilius est invenire quemquam, qui velit querere vel desideret invenire, quam ipsam invenire mulierem fortem. Mulierem hanc fortem querere virtus est, invenire salus, apprehendere gaudium, diligere laus et honor, tenere neque dimittere summum bonum. Sed jam quid haec mulier fortis intelligi debeat, ubi, quando, quomodo, queri oporteat, videamus. Quomodo enim inveniri poterit, nisi queratur? Aut, quomodo **103** poterit queri, nisi sciatur ubi valeat inveniri? Quomodo hoc aliquis noverit, nisi didicerit? Discere autem unde poterit, nisi se magisterio disciplinæ subdiderit? Difficile est certe, ut assumat formam discipuli, ut disciplinæ efficiatur patiens, cui deest non ignara subjectionis humilitas, quem reddit, aut languor ignavæ negligentem, aut tumor superbiæ contemptorem. Superbia nimisrum proprii tumoris cæcata grossitudine, sicut ex ipso tumore agitur, ne sit tractabi-

A lis, sic impedit ejusdem tumoris objectio, ne lucem- recipiat veritatis. At humilitas semper est delicata et tenuis; eo patens et pervia vero lumini, quo se strictius et simplicius agens, sanctæ semper est consentanea paupertati (15). Mulierem itaque fortem sane possumus intelligere Dei sapientiam, aut matrem ipsius sapientiæ Mariam, aut sapientium matrem Ecclesiam, aut certe sedem sapientiæ animam. Sapientia Dei mulier appellatur, propter omnium bonorum, quæ ab ipsa deflunt, secunditatem. Ipsa est enim, quæ loquitur : « Ego mater pulchræ dilectionis, et timoris, et agnitionis, et sanctæ spei (*Ecli. xxv*). » Ipsam omnium **104** rerum parentem ostendit Psalmista, sic Domine, loquens : « Omnia in sapientia fecisti (*Psal. ciii*). » B etc. Denique per evangelistam mulier appellatur, cum ab ipsa Dei sapientia per similitudinem dicitur : « Quæ mulier habens drachmas decem, et si perdidit unam ex illis (*Luc. xv*), » etc. Ubi mater mulier appellatur, non quod fracta sit ad mollitatem voluptatis, sed propter naturam sexus inflamoris, unde ei a Domino dicitur : « Quid mihi, et tibi est, Mulier? » (*Joan. ii*.) Et Gabriel angelus, eam benedictam in mulieribus protestatur. Apostolus quoque Dei Filium factum ex muliere (*Galat. iv*), id est, de tali sexu carnem assumpsisse commemorat (16); nam alibi nomen mulieris Veritas a Virgine removere videtur, cum Joannis Baptista laudes exsequitur, dicens : « Inter mulierum natos non surrexit major Joanne Baptista (*Math. xi*). » Sed ibi vocat mulieres quatenus voluptuosæ mollitici non sunt expertes contactus virilis, cuius rei penitus ignara est integritas virginalis. Sapientium, hoc est sanctorum mater Ecclesia mulier dicitur, quæ continui partus et genitus angustia fatigatur. Sunt in ea dolores ut parturientis (*Psal. xlvi*), et dum sanctorum **105** sobolem, quam ex Spiritu sancti suscipit gratia, tenere educat, ardenter diligit, de eorum temptationibus et periculis materno affectu continuo dolet et gemit. Unde et sponsus ejus de ipsa in Evangelio loquitur dicens : « Mulier, cum parit, tristitiam habet, quia venit hora ejus (*Joan. xvi*). » Anima etiam, quæ sedes est Sapientiæ, ea ratione mulier dicitur, quod affectuosa quadam teneræ pietatis mollitie supra dilectum suum innitat. Affectu misericordiæ mollis, operum fertilitate secunda, dum sponsum suum Jesum supra omnia, et in omnibus diligit, individua se ei puritate conjungit, et dicit : « Dilectus meus mihi est, et ego illi (*Cant. i*). » Fallaceum quippe hominum gratiam et vanam rerum pulchritudinem non attendit, sed casti timoris sibi custodiam adhibens, diligenter illud conservat, et audit : « Fallax gratia, et vana est pulchritudo; mulier timens Dominum, ipsa laudabitur (*Prov. xxxi*). » Verum quia Dei sapientiam mulierem fortem posse intelligi superius diximus, quomodo id intelligi debeat latius explicemus.

Dicitur enim mulier propter secunditatem, fortis

propter virtutem. Dicitur virtus propter omnipotentiam; **106** dicitur secunda propter plenitudinem. Dicitur fortis, quia « attingit a sine usque ad finem fortiter (*Sap.* viii); » dicitur secunda quia « disponit omnia suaviter (*ibid.*). » Denique fortitudo ejus in duobus maxime consideratur. In plena potentia, et plena patientia. In plena potentia, quia nullam habens indigentiam de nibili cuncta creavit; in plena patientia, quia omnem habens innocentiam, ab injustis omnem injuriam tranquimenter toleravit. Fecunditas ejus itidem in duobus maxime perpendi potest. In plena sapientia, et plena misericordia. In plena sapientia, qua universalitati existentium formam et ordinem dedit; in plena misericordia, qua inveteratum hominem a debito mortis, per indebitæ mortis gratiam et premium proprii crux absolvit. O quam potens fecunditas, et quam secunda potestas! Quam fortis in infirmitate, quam fertilis in paupertate hæc mulier fuit! In infirmitate, qua exinanivit semetipsum Dominus omnium usque ad formam servi (*Philip.* ii); in paupertate, qua non habuit ubi caput reclinaret in mundo (*Math.* viii) ipse Conditor mundi. Sed certe illa exinanitio fuit salutis humanæ **107** completio; et illa paupertas, pauperum fuit locupletatio. Dum enim fortitudo omnipotens se tam dignanter exinanivit, nostræ vanitatis inanitas solidatem et robur accepit. Dum dives omnium Dominus se nostræ indigentiae defectibus subdidit, nostræ paupertatis insufficientia ad sufficientiam divinitatis vel Deitatis excrevit. Denique tam secunda fuit exinanitio, ut gloriam augeret angelis, pastoribus gaudium faceret, fidem magis, pacem procuraret quoque hominibus bonæ voluntatis (*Luc.* ii). Tam potens hæc infirmitas fuit ut curaret paralyticos, leprosos mundaret, cæcos illuminaret, surdis auditum, claudis gressum, mutis officium loquendi restitueret, mortuos suscitaret (*Math.* xi), siccis pedibus super aquas ambularet (*Math.* xiv), tempestates et maria solo imperio tranquillaret (*Math.* viii), daemones ab obsessis corporibus effugaret, omnem infirmitatem verbo curaret (*Math.* ix), verbis mirabilibus scientiam Scribarum et Pharisæorum superbiam confutaret (*Math.* xxiii). Tunc fortis, inquam, hæc infirmitas **D** fuit, ut Christo secundum naturam passibilem moriente, feret solis obtenebratio, terræmotus concussio, vel dirupcio, petrarum **108** scissio, monumentorum apertio, sanctorum corporum resuscitatio (*Math.* xxvii), inferni spoliatio, et mirum in modum tunc fortius firmitas elementorum concutitur, cum nostræ mulieris infirmitas abjectior reputatur. Sed, quæso, ubi, vel a quo, hæc mulier fortis invenitur? Certe, ut Scriptura dicit: « Non invenitur sapientia in terra suaviter viventium (*Job* xxviii). » Suaviter vivunt, qui desideriis voluptuosæ carnis inserviunt, et quanto amplius ab operibus justitiae tenebrescant, tanto minus lucem sapientiae apprehendunt. Illi ergo non querunt, qui

A tenebras diligunt, qui insistunt vitiis, qui mandata vitæ non custodiunt, qui habentes pietatis speciem, virtutem ejus abnegant (*II Tim.* iii), et contemnunt. Ille igitur sapientiam querit et invenit, qui bene querit; bene autem querit, qui, ut dictum est, ubi, quando, quomodo debeat, querit. Dicat igitur ipsa Sapientia, dicat ubi inveniri possit. « Ego, inquit, in altissimis inhabitavi, et thronus meus in columnâ nubis (*Ecli.* xxiv). » Hoc est quod dicit Scriptura: « Procul, et de ultimis finibus premium ejus (*Prov.* xxxi). » Alibi dicit Scriptura, quia « Sapientia trahitur de occultis (*Job* xxviii). » Quæ sunt occulta nisi altissima? **109** Quæ vero altissima, nisi cœlestia? Cœlum quoque occultum dici potest ea ratione, quod occultare celare dicitur, ubi Sapientia trahitur de occultis, hoc est de cœlis, tum scilicet et regnum cœlorum vim patitur (*Math.* xi), et cum timor, qui est initium sapientie (*Ecl.* i), insipientie se opponit et pœnitentiæ dolor, injustitiae damnatis operibus, regnum cœlorum, quod soli debetur justitiae, apprehendit. Denique cœlos corda sanctorum congrue dicimus, altitudine virtutis excelsa, cœlestium contemplationis sublimia, innocentiae puritate serena, subtilitate intelligentiae defæcata, virtutum dispositione siderea, ardore charitatis ignea, virtute patientiae solida, spei longanimitate erecta, quæ dum laudis humanæ favores fugiunt, dum se, quantum in se est, ab oculis humanis abscondunt, dum Dei habitationem intra testimonium conscientiæ celant, cujusdam specialis cœli in se imaginem repræsentant.

B De his occultis thesaurum in agro absconditum celantibus trahitur Sapientia, quia ad sapientiam rudes quosque, licet cum difficultate, erudiant cœlestium virorum exempla. Denique Sapientia habitat in consilio et eruditis **110** interest cogitationibus (*Prov.* viii), et ideo « oannis gloria ejus filia regis ab intus (*Psal.* xliv), » quia Sapientia consilii sui secretum non communicat omnibus. Unde et in Evangelio ipsa Sapientia loquitur: « Coustate tibi, Domine, Pater cœli et terræ, qui abscondisti hæc a sapientibus, et prudentibus, et revelasti ea parvulis (*Math.* xi). » Ubi parvuli, id est humiles, consecratales sunt sapientiae, et quantumlibet in altissimis ipsa inhabitet, facilius ad illam pertingit humilitas: et quanto se inferius dejicit, tanto sapientiae sublimitas ei familiarius se inelicit. « Deus enim superbis resistit, et humilibus dat gratiam (*I Pet.* v); » et dum per medium montium pertransirent aquæ, fontes in convallibus emittuntur (*Psal.* ciii). In consilio itaque, et in consilio sanctorum humilis invenit sapientiam, quæ « in malevolam animam non introibit, nec habitabit in corpore subditio peccatis (*Sap.* i). » Quando queri oporteat sapientiam ipsa Sapientia docet, dicens: « Qui mane vigilaverint ad me, invenient me (*Prov.* viii). » Mane est fidei tempus, quia per fidem interim est querendum, quod nobis expedit in futu-

rum. Fides enim est lux matutina, qua interim A nativitate mirabilius. In tormentis nihil poena crux illuminamur in 111 spe, donec aspiret dies, et inclinentur umbras, et nos per speciem plena meridies consoletur. Sicut enim lux matutina praecedit splendore meridiani fervoris, sic fidei mysterium divinæ prævenit speciem visionis. Unde Prophetæ: « Mane, inquit, astabo tibi (*Psal.* v.), » hoc est in fide, et fideliter ministrabo. Et cum species venerit, id est cum limpidiorem claritatem fervor meridianus attulerit, tunc videbo et quoniam non Deus volens iniquitatem tu es (*ibid.*). » Jam quia ubi, et a quo, et quando querenda sit sapientia diximus, superest, ut quomodo etiam querenda sit, videamus.

Ipsa querendi modum exponit, dicens: « Transite ad me omnes qui concupiscitis me (*Ecli.* xxii); » ubi concupiscendo, et transeundo querenda est. Concupiscendo æterna, transeundo a temporalibus. Transire, est transitum facere; transitum facere, est pascha celebrare. Pascha enim transitus dicitur. Pascha celebrare, est Agnum immaculatum offerre. Paschalis autem festivitas proprie est Hebræorum, id est transeuntium: Hebrei enim transeuntes interpretantur. Qui igitur sæculum nequam mente deserit, qui a vitijs et concupiscentiis 112 carnis ad desiderium spirituale se colligit, qui a rebus transitoriis ad æterna, et manentia Spiritu transit, ille Sapientiam querit et invenit. Agnum quippe offert, qui se Deo exhibet carne mundum, corde mansuetum, actu innoxium, vultu placidum, victu sobrium, lingua veracem, specie irreprehensibilem, opinione laudabilem, fraterna compassione misericordem. Hoc modo queritur Sapientia, cuius « pretium procul, et de ultimis finibus (*Prov.* xxx) » esse dicitur. Quam procul sinus Patris, unde ipsa egreditur? Quam procul est ineffabilis illa, et æterna generatio, quæ ante sæcula a Patre generatur? Quam procul est incorruptæ matris virginalis integritas, ex qua Verbum caro efficitur? (*Joan.* i.) Quam procul est altitudo humanæ naturæ ante peccatum, unde in carne Verbi peccati immunitas conservatur? Quam procul est singularis innocentia, in qua per hominem vixisse, et miracula fecisse cognoscitur? Quam procul est sine exemplo illa patientia, in qua per indebitæ mortis supplicium auctor mortis diabolus superatur, homo mortis reus absolvitur, æternæ vitæ libertas restituitur? Idcirco pretium ejus, vel 113 quo ipsa pretiosa existit, vel quo pro nostra redēptione exsolvit, de ultimis finibus venit. Ultimi fines quatuor esse videntur: duo superiori ultimi, ultra quos nihil est superiorius; duo inferius ultimi, et infra eos nihil ulterius. Duo superiori ultimi sunt, æterna generatio, qua Verbum de Patre sine matre nascitur; et incorrupta nativitas, qua idem Verbum de matre sine patre generatur; duo fines inferius ultimi sunt, quod crucis poenam patienter sustinuit sine culpa, et quod mortuus descendit ad inferos sine poena (17). Nihil prima et æterna generatione sublimius, nihil secunda et incorrupta

illuminatæ mirabilius. In tormentis nihil poena cru- cis ignominiosius, in triumphis nihil inferni spolia- tione terribilius. De his ultimis finibus liberationis nostræ pretium venit, quod redemptis tanto pre- ciosius esse debet, quanto de tam longinquæ veniens potuit efficaciam tantam habere. Jam quomodo hæc verba, quæ de Sapientia, utcunque intellectimus, et sapientiæ matri Mariæ convenient, secundum gra- tiam, quam ipsa gratiæ mater nobis impetraverit, videamus.

Dicitur itaque 114 mulier, non fracta mollitie voluptatis, sed quod sit in ea natura sexus fragilis, vel quod mollescat affectu, uipote misericordiae mater, ad teneritudinem pietatis (18). Quam fortis hæc mulier fuit, quæ sine exemplo, tam sexum quam sæculum invicti spiritus fortitudine superavit! Quam fortis fuit, quæ in corpore fragili posita, et in sæculo nequam adhuc peregrinans, emula puritatis angelicæ, omne quod creatum est mentis sublimi- tate transcendent! Denique ad mulierem fortrem fortitudo Dei Gabriel mittitur, quæcum gratia et fortitudine plenam invenit; paritum etiam Verbum omni- potens protestatur. An non fortis Maria fuit, cuius « fortis ut mors dilectio (*Cant.* viii), » in tan- tum virtutis Altissimi obumbratione convaluit, ut et Rex virtutum, Dominus fortis et potens in præ- lio (*Psal.* xxiii), infirmus in ea fieret; et fortis ar- mutus atrium, quod in pace possidebat, dimitteret (*Luc.* xi) et infirmitas hominum ad salutem ex ea plenariam perveniret? Sed ubi, obsecro, hæc mulier tantæ fortitudinis invenitur? Procul utique, quia sicut gratiæ plenitudine omni creature præcellit, sic incomparabiliter gloriæ sublimitate transcendent. 115 Procul, inquam, est, quia licet sit mediatrix, et singularis misericordiæ compassione propitia, est tamen incomparabilis excellentiæ privilegio super omnem altitudinem angelorum exaltata. Procul est pretium ejus, quia « speciosus forma præ filiis hominum (*Psal.* xliv), » de pretiosa ejus carne nascitur, quo pretio genus humanum redimitur, et ipsa sanctorum omnium angelorum et hominum meritis et gloriæ antefertur. Ultimi fines sunt incom- parabiles virtutes Mariæ, in quibus omnis consummationis finem se Prophetæ testatur videre, sic Domino dicens: « Omnis consummationis finem, latum mandatum tuum nimis (*Psal.* cxviii). » Quid enim illo mandato latius, quo man- dat salutes Jacob (*Psal.* xlvi), qui in salutatione Mariæ, quam ei Gabriel ex Deo attulit, salutem omnibus, quantum in se est, præparavit? Sunt ita- que ultimi fines humilitas Mariæ incomparabilis, singularis virginitas, charitas spiritualis, privile- giata secunditas. Quæ omnia sicut nullum omnino exemplum antevenerit, sic nullum omnino meritum vel æquiparat, vel excellit, omnino excipitur Patris Unigenitus, primogenitus ipsius Virginis, qui 116 licet Spiritum ad mensuram non acceperit (*Joan.* iii), tamen de his ultimis finibus, id est summis Mariæ virtutibus nostræ redēptionis pretium venit, se-

cundum naturam, quam ex carne Virginis traxit. **A** Sunt illi, ut dictum est, ultimi fines, Virginis consummatae virtutes, ex quibus receperimus inestimabili pretiū partum, tanquam ex floribus fructum. Itamen flores manent immarcescibiles, nec sicut in naturalibus fructus finis est floris, sic in matre Domini partus est terminus virginæ castitatis. Est enim et bortus conclusus, fons signatus (*Cant. iv.*). Hortum facit eam inauditæ secunditatis fertilitas; conclusum reddit inviolati pudoris integritas. Fons est, quia de plenitudine gratiæ fluenta misericordiæ fundit; signatus, quia alienum a signo fidei non admittit. **B** Fons hortorum, puteus aquarum viventium, quæ fluunt impetu de Libano (*ibid.*). Fons est Maria, patens et accessibilis ex profusione et facilitate misericordiæ; puteus est altus et capax ex mysterii admirabilis profunditate. Completum est enim in ea et magnum pietatis sacramentum, quod manifestatum est in carne, justificatum in spiritu, apparuit **117** Angelis, prædicatum est gentibus, creditum est mundo, assumptum est in gloria (*I Tim. iii.*). Aquæ viventes gratiæ cœlestes sunt, quæ fluunt impetu de Libano, quæ Virgini collatæ sunt, ex paternæ plenitudinis altitudine superveniente in Virginem Spiritu sancto. Potest quippe intelligi impetus improvisa plenitudo gratiæ sancti Spiritus, quam, dum candor lucis æternæ Mariæ infunditur, quasi de Libano, qui *candidatio* dicitur, aquarum viventium torrens erumpit. Est igitur Maria fons hortorum, scilicet ablutio, satietas et refrigerium congregationum sanctorum. Quot enim habet Ecclesia conventus sacros in fide viventes partus virginis, tot sunt et horti. Et certe his omnibus ministrat partus misericordissimæ matris et pœnitentiæ lavacrum, quo tergatur iniquitas et desiderium justitiae, quo reficiatur devotio et protectionis umbraculum, quo ardor carnalis concupiscentiæ refrigescat. Ecce quanta est mulieris nostræ secunditas, quanta est fontis signati profusio, cuius semper opportuna rigatio tantam in hortis Ecclesie tribuit ubertatem. Huic fonti irriguo, huic misericordissimæ Virginis **118** specialiter deputaverim ego (19) monasteria Cisterciensium: quippe quæ omnia et memoriae et meritis ipsius matris devotione debita dedicantur. O quantus debet esse in meis candor cordium, et morum puritas, (20) qui et candore habitus et titulo nominis virginalis lili albedinem imitantur! Albi nimirum monachi dicuntur, non modo quod albedine vestium fulgeant, sed quod candoris virginis ministri spirituales existant.

Quid ergo nos infelices, et miseri et nimirum sub candido habitu, circa nostræ Virginis lillum tanta densitate succrescere spinas et tribulos toleramus? Quid odiorum spinas et detractionum aculeos ibi plantamus infelicitate, aut infelicius confovemus; unde spirare et fluere virtutum aromata debuerunt? (21) Virginem nostram potius imitari debuimus, et filiali affectu matri beatissimæ conformari. Ipsa enim non modo in remedium data, sed

est proposita in exemplum virtutis. Non itaque debet album monachum cultorem sinceritatis virginis, specialem Mariæ filium superbiæ statu intumescere, curiositatis vitio esse superfluum, **119** immundis desideriis animum dare, fraternali pacis denigrari odio, invidiæ livore torqueri, circa virginis ministerium negligere propositum sanctitatis. Quo enim pacto ministrare potest tantæ humilitati superbia, tantæ honestati impuritas, tantæ munditiæ in honestas, tantæ charitati odium, detractio tantæ benevolentia, tantæ paci murmuratio, tantæ sobrietati ingluvies, tantæ veritati falsitas, crudelitas tantæ misericordiæ, præsertim eorum qui ad honorem tanti mysterii, de peccati sterquilinio, de extrema paupertate, de generis ignobilitate venerunt? Quam sœpe videmus hujusmodi corum in claustris ea ad curam carnis querere quæ nec in sæculo habere potuerunt? Ob hoc sub umbra religionis non umbratiliter, sed veraciter vanitati inserviunt, superbiunt inter humiles, inter pœnitentes voluptuosius vivere volunt, ambiant honores, qui mundi contemptum juraverant, solam sanctitatis imaginem præferentes, lupus celatur sub ovis velgere, nec agnoscerit, donec eum prodiderit ululatus. Ululatus est fratrum sanguinis avida nimis detracçio, quam mater ejus invidia **120** in denigratione sinceritatis monasticæ generavit. Unde bonitati tuæ, propitia misericordia mater, relinquitur, purgare hortos quos rigas, ut sicut dilectores tuos fluentis gratiæ ad irriguum devotionis inebrias, sic duros corde et aridos ad pœnitentiæ fructum humectes. Ausus de hortis Ecclesiæ odiorum spinas, murmurationum tribulos et libidinis urticantis pruriginem, quæ omnia de inimica floribus aquilonis intemperie nasci solent. Te imperante surgat aquilo, te voante veniat auster, quo perflante horti refloreant, virtutum spirent aromata, et tuæ opinionis flagrans suavitas ad notitiam perveniat singulorum. Alioquin nisi astiteris parturienti Ecclesiæ, et obstetricis morem geras sponsæ filii tui, vires parturiens non habebit. Mulier enim ista, dum parit, tristitiam habet, quia nondum venit hora ejus (*Joan. xvi.*). Nondum quippe completus est sanctorum populus, nondum mulier ista totum in lucem gloriae effudit puerum. Sed adhuc tam Herodes quam Pharaon in partum Ecclesiæ debacchantur. Est tamen Ecclesia mulier fortis: mulier ex secunditate, quæ per sacramentum **121** fidei Deo parere filios non desistit, fortis ex petra, super quam fundata, tentationi non cedit; est enim mulier hæc, uti in Apocalypsi legitur, amicta sole, et luna sub pedibus ejus (*Apoc. xii.*). Luna significat mutabilitatem, et defectum temporalium, quæ omnia electorum Ecclesia sub pedibus habere dicitur, quia nequaquam amor temporalium ejus affectibus dominatur. Amicta quippe sole, sic splendore solis illuminatur, et ardore perfecte accenditur, ut nihil aliud quam ipsum solem justitiae contempletur. O quam difficile hæc mulier invenitur, quæ in paucis abscondita, tanquam cle-

ctus thesaurus in agro absconditus occultatur ! Hinc A dicimus, quia sancti, in sanctitatis proposito confirmati, sunt etiam firmamentum effecti. Si autem firmamentum, et cœlum, quod ab omni fæce terrenitatis humanæ sit alienum. Hinc est quod Græcæ agios, sanctus Latine dicitur. Agios autem *sine terra* interpretatur.

Itaque id est sanctus quod est sancitus; sancitus autem qui confirmatus; confirmatus vero dicitur qui in firmamentum sit factus, firmamentum autem est stabile et firmum, longe a terra divisum, siderum mira varietate cœlatum. Tale est cor sanctum, inviolabilis sanctitatis proposito firmum, a terrenis desideriis alienum, diversis virtutibus, quasi sideribus adornatum. Quis, obsecro, vel ubi talem inveniet ? C Procul certe, et de ultimis finibus preliunt ejus. Utinam apud te tuam talem invenias, vel ut talis effici possis, procul et de ultimis finibus, id ei querere et afferre non pigreris ! O quam procul est ille honor quem in conditione accepit ! Quam procul B 122 est divinæ similitudinis dignitas ; qua insignita desipuit. Nam « cum in honore esset homo, non intellexit, comparatus est jumentis insipientibus, et similis factus est illis (Psal. XLVII). » Certe quod tanti pretii sit rationalis anima, ut pro redēptione ipsius inestimabile pretium, Verbum caro factum (Joan. I), solvatur; mirabilis ejus creatio fecit. Cum enim ad similitudinem suam eam Conditor fecit, quatuor ei suæ imaginis insignia signa impressit : traxit enim de Conditoris æternitate immortalitatem, de sapientiæ sublimitate rationis excellentiam; de invisibilitate essentiæ naturæ simplicitatem, de largitatis liberalitatem arbitrii libertatem. Quam procul sunt illa quatuor, de quibus ista quatuor humana anima traxit ? procul sunt, quia omnem sensum exsuperant, et omnem rationem et intellectum hominum et angelorum excedunt ; ultimi fines sunt, quia, cum sancti ad illa comprehendenda pervenerint, ulterius nil requirunt. D Ut possitis, ait Apostolus, comprehendere cum omnibus sanctis quæ sit longitudo, latitudo, sublimitas et profundum (Ephes. III). Longitudo est creatoris æternitas, latitudo est ipsius charitas, 125 sublimitas est altitudo sapientiæ, profundum est incomprehensibilis subtilitas invisibilis essentiae.

D si servasset rationalis anima cum longitudine immortalitatis longanimitatem perseverantia, cum latitudine liberæ voluntatis libertatem justitiam, cum sublimitate rationis altitudinem contemplationis divinæ, cum profunditate essentiæ simplicis simplicitatem innocentiam, pretium suum, quod ei de tam loginquo venerat, minime perdidisset ! Nunc autem, etsi pretium divinæ similitudinis perdidit, quia virtutem amoris deseruit, omnino lacmen sine pretio non fuit, quia a pretiosa auctoris imagine non recessit. Pretiosa quidem est imago, quam in cognitione veritatis inamissibiliter tenuit; sed longe pretiosior est similitudo, quam in amore virtutis susceptam amor peccati nimis festinus

Itaque id est sanctus quod est sancitus; sancitus autem qui confirmatus; confirmatus vero dicitur qui in firmamentum sit factus, firmamentum autem est stabile et firmum, longe a terra divisum, siderum mira varietate cœlatum. Tale est cor sanctum, inviolabilis sanctitatis proposito firmum, a terrenis desideriis alienum, diversis virtutibus, quasi sideribus adornatum. Quis, obsecro, vel ubi talem inveniet ? C Procul certe, et de ultimis finibus preliunt ejus. Utinam apud te tuam talem invenias, vel ut talis effici possis, procul et de ultimis finibus, id ei querere et afferre non pigreris ! O quam procul est ille honor quem in conditione accepit ! Quam procul 122 est divinæ similitudinis dignitas ; qua insignita desipuit. Nam « cum in honore esset homo, non intellexit, comparatus est jumentis insipientibus, et similis factus est illis (Psal. XLVII). » Certe quod tanti pretii sit rationalis anima, ut pro redēptione ipsius inestimabile pretium, Verbum caro factum (Joan. I), solvatur; mirabilis ejus creatio fecit. Cum enim ad similitudinem suam eam Conditor fecit, quatuor ei suæ imaginis insignia signa impressit : traxit enim de Conditoris æternitate immortalitatem, de sapientiæ sublimitate rationis excellentiam; de invisibilitate essentiæ naturæ simplicitatem, de largitatis liberalitatem arbitrii libertatem. Quam procul sunt illa quatuor, de quibus ista quatuor humana anima traxit ? procul sunt, quia omnem sensum exsuperant, et omnem rationem et intellectum hominum et angelorum excedunt ; ultimi fines sunt, quia, cum sancti ad illa comprehendenda pervenerint, ulterius nil requirunt. D Ut possitis, ait Apostolus, comprehendere cum omnibus sanctis quæ sit longitudo, latitudo, sublimitas et profundum (Ephes. III). Longitudo est creatoris æternitas, latitudo est ipsius charitas, 125 sublimitas est altitudo sapientiæ, profundum est incomprehensibilis subtilitas invisibilis essentiae.

D si servasset rationalis anima cum longitudine immortalitatis longanimitatem perseverantia, cum latitudine liberæ voluntatis libertatem justitiam, cum sublimitate rationis altitudinem contemplationis divinæ, cum profunditate essentiæ simplicis simplicitatem innocentiam, pretium suum, quod ei de tam loginquo venerat, minime perdidisset ! Nunc autem, etsi pretium divinæ similitudinis perdidit, quia virtutem amoris deseruit, omnino lacmen sine pretio non fuit, quia a pretiosa auctoris imagine non recessit. Pretiosa quidem est imago, quam in cognitione veritatis inamissibiliter tenuit; sed longe pretiosior est similitudo, quam in amore virtutis susceptam amor peccati nimis festinus

abrasit. Sed jam ad nostram Virginem corde et A trabis. Si te mundi amator abjuratus inseguitur, ad mundi dominam Mariam recurre, et mundana omnia uti stercora conculcabis. Si te carnis tentat illecebrosa mollities, invoca Virginem, invoca Mariam, et in obumbratione, quam ei virtus Altissimi fecit (*Luc. 1*), ardoris illiciti refrigerium consequeris. In omni denique impugnatione dæmonum ad angelorum reginam Mariam confuges, et ad imperatricis nutum cessabit calliditas tentatoris.

Ipsa est portus noster, ipsa est anchora spei nostra, ipsa est mulier fortis, fecunda, et potens, ad quam nobis consugiendum est qui sumus inopes et infirmi. Sufficiens est ejus secunditas mendicitatem **127** filiorum expellere, fortitudo ejus sufficiens nil de suis præsumentes viribus liberare. Stella maris Maria est necessaria in hujus incertitudinis pelago naviganti. Portus est totius misericordiae mundo naufragium patienti. Ne diffidat reus, ipsa mater nostra, quæ nobis genuit judicem nostrum, fecit etiam nobis de judice advocationem. Si propter culpam desideras veniam, respice in Mariam confidenter, et misericordiam obtinebis. Si in tribulatione positus pusillanimitate dejiceris, ex corde B refuge ad Mariam, et patientia fortitudinem impe-

ADAMI ABBATIS PERSENIÆ FRAGMENTA MARIANA.

129 FRAGMENTUM I.

Descendit Christus virgo, et humilis, et descendit per virginalem uterum humillimæ matris, ut qui utramque naturam utroque morbo corruptam curandam susceperat, utroque antidoto penes se abundaret. Ecce quomodo descendit, et qua descendit. Descendit sane per virgineum corpus, descendit sicut pluvia in vellus, et sicut stillicidia stillantia super terram (*Psal. LXXI*), descenderunt gratiarum flumina in Mariam. O necessarium vellus virginitatis Marie impassibilis, quod tam silenter, et suaviter suscepit pluviam gracie salutaris! o pluviam voluntariam, qua dum virginitatis **130** purissimæ vellus immaduit (22), et ipsi vellere in mundo immensus candor accrebit, et immunditia nostra lavacrum, ubi dilueretur, accepit. Asperges me, domina mea, hoc hyssopo, et mundabor, lavabis me rore isto tibi de corde patris infuso, et super nivem dealbabor (*Psal. L*). Tu tota munda, tota candida, tota divini roris aspersione compluta, et de inviolabili utero Agnum singularis innocentiae paris, et de inadmissibili vellere sanctorum animas calefacis. Per tua viscera summa puritate innocentia, plena miserationum affluentia, fluvius miserationem Christus descendit, qui inundans in diluvium totius gracie, totius mundi sordes abtersit. Per verba tua lac et mel summae dulcedinis distillantia, in virum perfectum noster parvulus adolevit, qui in fortitudine patientiae suæ onera nostræ insufficiæ supportavit. Vere languores nostros ipse tulit, et dolores nostros ipse portavit (*Isa. XIII*), et humeros quibus portaret ex te habuit, dum corpus

passibile ex tua carne suscepit. Per te descendit, per te parvulus ad humiles venit, qui te in causa nostra advocatam constituit, qui te ipsum pro immenso munere **131** mundo dedit. Te ad nos ve niendi viam clegit, te nobis in repatriandi seinitam ordinavit. O via expers asperitatis et duritiae, expers ignorantiae et erroris! Nempe « misericordia et veritas in te obviaverunt sibi (*Psal. LXXXIV*). » Nec misericordia in te pateretur quid asperum esse vel durum, nec veritas quidquam inesse pateretur obscurum. O via communis salutis, expers iniquitatis et malitiae, expers molestiae et laboris. In te « pax, et justitia osculata sunt (*Ibid.*) ». Non tibi inesse distortum aliquid æquitas justitiae sineret, nec aliquid inesse laboriosum pacis tranquillitas sustineret. Tota es suavis et clara, tota dulcis et recta, mitis et pacifica, quæ et nobis illuminationem nostrorum cordium de corde Patris adducis, et nobis loquens ad cor (*Ose. II*), corda credentium in te trahis. Nobis, ut dictum est, ad cor loquoris, quibus dominum cordis tui, Verbum scilicet incarnatum, producis. Qui ergo per te descendit, videamus quounque descendit. Descendit certe usque ad suspicionem corporis nostri, usque ad similitudinem carnis peccati. Descendit usque ad perpectionem molestiarum, usque ad tolerantiam injuriarum. Descendit **132** usque ad injuriam passionis; descendit usque ad ignominiam crucis et mortis; descendit usque ad tristianæ sepulture obsequium; descendit usque ad spoliandum infernum.

FRAGMENTUM II.

Sed cum infirmis oculis sit colestium splendor